



No. <sup>★ ★</sup> Rare Book Dept. ~~X~~G.406.80



PURCHASED FROM THE INCOME OF THE  
JOSIAH H. BENTON FUND





26.C.

H3

50 feet

45 ft. 10 in. 10 in.

10 ft. 10 in. 10 in.

10 ft. 10 in. 10 in.

29. ~

REPRODUCTION

46/33













Digitized by the Internet Archive  
in 2015



DE ARTE NATANDI  
Libri duo, quorum Prior regulas ipsius  
*artis, posterior verò praxin demon-*  
*strationemque continet.*

Authore EVERARDO DYGBEIO Anglo  
in artibus Magistro.



LONDINI  
Excudebat Thomas Dawson.

1587.

XG  
.406  
.80

Benton

April 14 1938  
93

IXIC

Analysis of Bentonite

4823



Ex imio & illustissimo Viro Ricardo  
*Wourtleio Armigero, clarissimo musa-*  
rum alumno : *Euerardus Digbeius* veram felicitàem,



Trum rem tantilli momēti nomni tino dicare, & ingrauescente calamo meo artem natandi ex infimo ignorantia obliuionisque puluere erigere commiteter; diu mecum (Wortleie dignissime) multumque dubitavi. Quoties enim vel ætatem meam paulò prouectiorem vel animi tui amplitudinem, veramque dignitatem impensius mecum cogitabam : toties opinione istac tacitaque cogitatione, ætate nostra & generoso animo vestro indigna (idque non sine iusta inultorum reprehensione doctorum atque prudentium) tacitus mecum planè me errasse diuinavi. Quid enim leuius aspectu, confirmatæ ætatis vero, togæ & musarum alumno, liquidis ludente vndis, & pueriliter molli aquarum superficie debacchante? quid poenitentiaconiunctius Socraticæ, quidue imprudentius, quàm solida firmaque globi terrestriis relictæ certitudine, inconstanti aquarum liquori, huc illucque fluenti ac vacillanti succumbere? Quid oculis tuis clarissimis inusitatus, aut euenire solet insolentius, donis hisce tam ille pidis? Quid auribus absconatius, cœlestis studiosum sophia, auram anhelantem ætheream, tricis repentè implicari puerilibus, artemque ornare natandi? Solita tamen & faciliè consueta humanitate tua perfunctus (mihi ante omnes musis celebrande Wortleie) si quæ tibi etsi incondite, etsi exiliter, ieiunoque calamo, crassa etsi pinguique Minerna, gratæ tamen sub imaginæ mentis dicauero, oculis æquis illustrabis: faciliè intelliges, me togatam his liniolis salutare senectutem, non curuam non decrepitam, non anilem artium liberalium desuetudinem, sed macta virtute & gloriosa fronde, mensis Maii instar Appollinisque lauri efflorescentem, iuuentutē Anglicanam : præpuè verò & præ alijs vestram, vestrique animi veram expressamque imaginem *Cantabrigiensem*. Quæ ut quondam tibi puerilibus nondum soluto vinculis & laxato generosæ educationis clarum specimen frequenter edidit : ita hodie pristina non oblita fecunditatis musæuè prioris, cæteris si non

præluceſt muſarum nutricibus, lucet tamen omnibus & euidenter claret, Martis ac Mineruæ, toge, bellicę ſerij & ludi, multò maxime ſtudioſa vndique oculis omnium alteram ſcientiam indagantium, lumen præbens ſerenum, radij Titani inſtar vnicuique coruſcans. Huic ego qui quondam altam ἀναλύσεως θεωρίαν, idque *Cantabrigia* ordine approbante Senatorio, auſculante clara claræ iuuentutis corona, garriente nuper enata noui dogmatis ſecta canina, publicè explanauī, hodiè amæniores muſas affectans, viam, qua repentinam aquarum perniciem, omnemque lymphatici diſcriminis anxietatem, quouis tempore quouis loco, quouis denique caſu aut periculo arte ſuperare poſſint, deſcribere; opus gratum futurum, tibi verò non iniucundum, ſæpè mecum multūque æxiſtinaui. Quibus autem præ ſtudioj priuati enixione ſedula ac ſolerti, vel alta rerum arcanarum ſpeculatione, vel ſerenæ mentis intentione, ſacræque ſophiæ praxi, vel Academicorum conſuetudine, vel anguſta rei p. adminiſtratione, vel rerum familiarium vitæque priuatæ varietate ac vicifſitudine, exiguis non licet adeſſe rebus tempore & vacare: doctiſſimi illi gaudiſſimi que viri, non inuidebunt (ſpero) his noſtris quàm minimis, imò mirantur potiùs, quòd alta Sicelidum relicta rupe, priſtinaque maiora canendi conſuetudine, tandem aliquando humiles noſtra non erubuit Lymphasha-bitare *Thalia*. Quòd ſi aſſiduam temporis circumuolutionem & diuturnam, animò complectamur, & poenitere tanti non ememus: minimè nobis erit obſcurum diſcipulum prioris eſſe poſterio-rem diem nec multum a ſalute mactæ virtute adoleſcentiū abhorrere, ſi ſapientis ſeneſcutis plena auſcultent monita, figant firmiter maiorum ſuorum inſtitutis veſtigia ſua. qui quidem dum illarum affineſſe rerum volunt, quas fert adoleſcentia, tandem magno ſuo cum diſpendio, & experientia penitenti, verè intelligunt a ſenis ore verbum ſalutare dilapſum illud: Experto crede. Atque hac in re vt quòd verè ſentio, liberè dicam, & in conſuſione minimi prælii, maximi momenti ſententiam vt præcipitem: in ſcientijs ſingulis, omniq; recta vitæ ratione inchoanda, inſtituendaque, eiufdem expertos ſi ſequamur, a recto veræ virtutis tramite nunquā aberrabimus. Quo quidè ſententiæ veræ & omnino ſalutaris monitu, altius paulo in pectus noſtrum demifſo, non minori cum dolore noſtro in timaq; animi acerbitate, quàm totius rei pub. detrimento & exitio comperiemus, nullum vnquam telam aſperius lateribus eius fuiſſe



fuisse infixū, nullum periculū infestius, nullū malū calamitosius, nullum venenum tetrus aut virulentius, eidem vnquam contingisse, quàm cum relicto patrum salutarī consilio ac sapiente procax audaxque iuuenilis ardor, omnia noua nouato ignorantiae ritu docere non erubuit. O praeclarā maiorū peritiā, & in omni facultate eximiam certitudinem, cuius radius clarus ille quidem & luminosus aditum mihi aperuit ad artem hanc Laconica breuitate describendam, animumque dedit non verecundandi, non dubitandi non mordacis linguae telum venenatum formidandi nondum incaptum opus abijciendi, sed aquas licet profundissimas, artemque ipsam (Neptuno duce) animo forti ac constanti aggrediendi. Eoque magis quod omnes natandi vias, omnes varietates, omnes huius artis conclusiones claris in aquis nonnunquam sum expertus, nihil nostri sequas moniturus, cuius prius, praecedens non fuerim particeps & praemonstrator peritus. Quod vero simplici natione vel prona vel supina, vel vrinante non contētus, vltiores gradus agilitatis (filum orationis vnā producens) pluresque descripserim: id & huius facultatis alumnus generosē in profundis gestiens, & ipsa ars) quae certam sibi vndique omni molestiae diluendae, omni periculo amouendo, omni denique anxietati abstergendae, amolendaeque viam praemunivit (non modo postulat, verum etiam efflagitat. Cumque hominū inclinatio tam diuersa sit & multiplex, natura tā dissidens ac omnino dissentanea, cunctaque sub ancipiti pendent mortalia casu & euentu librantur nonnunquam inopinato: multae aquae, & spaciosus amnis amplam nobis artem, certisque regulis ad salutarem vsque vitae huius anxia conclusionem deductam ac diriuatam suppeditauerē. Quae etsi sub humili orationis amictu, paucisque regulis concisē pertractatis & contextē, compareat: tumida tamen fouet vbera, multoque scientiae laete dissentia: institutionē breuem, veram, dilucidam, cuiusque natationis, cuiusque facilitatis & gratiae, cuiusque euasionis, siue ludas in aquis, solusque te oblectes siue cum altero contendas, siue immanissimas bestias adoriare, siue serpentum aconita venenosa diffugas, siue merso lintre, subsidente equo, periclitante teipso, emergere studeas; clara quasi luce soleque meridiano exhibet, habens in summo aquarum discrimine praesens semper auxilium: generi quod det humano & dat nulla scientia largius, nulla citius, nulla salutaris, Quod si nuper enatae facultatis huius, aut saltem calamo nostro ab



## EPISTOLA

infimis vmbris reuocata (cùm sit iocus recens prorsus ac iuueni-  
 lis) recentem vnà lector expectet, & cerebri feratioris authorem  
 iuniorem, cuius orationis florem ac viriditatem nondum firmata  
 viri abstulit ætas, quique ab aureo ornata orationis fonte, originē  
 redundantem primò deriuaret, primaque *Syracusio* linea luderet  
 versu: is vno in conspectu ponat veneranda canitie simul  
 ac authoritate poëtas Illos nobiles, oratorumque longe principes,  
*Pyndarum, Æschilum, Homerum, Orpheum, Platonem, Aristotelē,*  
 aureique fluminis instar reduntantem *Ciceronem*. Qui quidem di-  
 ferti senes cerebri deum hominumque ingrauescentis ac ætatis pu-  
 erilis, ludi serijque tantas res, tantaque varietate desinentes, vna o-  
 rationis temperie, vno calamo, vno penicillo, non sine magna  
 omnis posteritatis admiratione, famaue eorum perenni & perpe-  
 tua, diuino tanquàm digito de pinxērunt. *Omne tulit punctum qui  
 miscuit utile dulci.* Et qui seruata artis cuiusque maturitate, vsuque  
 salutari, eius omnes amænitates, floresque aspectu iucundiores, &  
 delectamenti maioris, scientificè simul ac ornate, non inopi vo-  
 cum susurro, non inani dicendi contentione, non stridenti personat  
 auena; is peritus facultatis suæ est magister; cuius *Sola Sophocleo  
 sunt carmina digna cothurno.* At verò colorum fucumque nitoris  
 tantum oratione affectare, specie sola delectari & coloris tantum  
 pulchritudine, exoculari est vmbras pueriles; corpus medullam,  
 sanguinem ipsum, prorsus amittere: sine quibus & arescit prorsus  
 scribentis calamus, & legentis nonnunquam vacuum cerebrum fit  
 valdeque ieiunum. Multæ palato placent iuuenili dapum varieta-  
 tes, quæ digestæ semel & per varias corporis venas diffusæ, sunt  
 adeò salutare: multaque multis, multi efferunt laudibus, iuuenes  
 dùm sunt, quæ senes sæpissimè odio habent, magnoque digna pu-  
 tent vituperio. Mihi autem ter senis lymphaticæ huic lationi annis  
 dedito fides vlla si est adhibenda, multæ quandā perplacuisse glo-  
 riosæ quasi natandi agilitates ac repentinæ, a quibus, post longam  
 iam & annosam experientiam, ictus prorsus horreo declinoque.  
*Id quemque maxime decet, quod est cuiusque suum maxime:* Virilis  
 ætatis est prioris temeritatis dolorem præsentem & aculeos senti-  
 entis, posteritati salutare dogma inuenire. docere, monere etiam su-  
 is vestigijs insistentes, nequando eiusmodi pænitendi periclitandi-  
 que discrimine implicentur? Iuuentutis verò proprium censemus,  
 discere, parere, aliorum periculis sapere. Qua tandem strictis  
 mani-

manibus & complicatis, aurea apprehensa catena post multos annos, vita eorum varij discriminis scopulos foeliciter præteruecta, omni cicatrice maculaque nominis ac naturæ immunes, candente salutaris senij cathedra reposta; non pulchrè modò sibi caueant & musis, verum etiam dulci salutaris orationis subsidio, attem alijs reuelent planè diuinam & non nisi summis ingenij, facile imbibendam. Iuuenilis verò in nostris theatro vultus erectio, vocis expressio, inconsiderati cerebri præceps effusio foetusque immaturus, sapientis senis eruditis auribus *Græcis Romanisque* litteris assuetis, quàm sit insipidus, quàm inanis, quàm aridus, quàm omninò vacuus, & sine succo euanidus: nullus est tam incultæ & derelictæ memoriæ senex, nullus tam præcoci ingenij puerulus, quem potest latere. Qui autem huius artis aditum tam apertum iuuentuti inuidentes, me a scribendo detertere student, dum stridente lingua, triuijs sæpe per personent, *Ovidiani* simile quiddam illius: *Non benè conueniunt, nec in vna sede morantur,* tanti gradus maiestas, amorque natandi, cuius omnis actio exercitatioque, minimæ æstimationis semper fuit, Locus ludus, leuitas puerilis: maximo ij vagantur opinionis errore, artèque profusus ignorant natandi: siquidem minimarum rerum vsu & exercitatione, maximum sæpè reip. salutis, tranquillitatis, honoris denique in crementum, solet affluere. Ars autem natandi, exili etsi exigui codicis volumine sit constricta, artisque concisæ breuitatis regulis congesta: ipsa tamen per omnes omnium hominum actiones vitæque recessus liquidò discurrens, vitæ auxilium præsens supeditando, reliquarum facultatum, siue liberalium, siue mechanicarum, vna omnium latissimè patet. Immo vero nullus est tam infans in rep. puer, aut decrepitus senex; nullus tam domi togæ assuetus, armisue foris, nulla fors hominum tanta regij tituli insblimitate enitens, tamuè obscuro loco depressa, cui ipsa in aquis periclitanti (vbi nec opes, nec amici, nec generis claritas, nec omnes omnium nobilium tituli, principumque exercitus, auxilium ferre possunt) foelicem sæpè manum vitæque salutarem præsens non porrigit, Lyrici iuxta Poetæ illud:

*Æquè pauperibus prodest, locupletibus aequè,*

*Æquè neglectum senibus puerisque nocebit.*

Euidens huius veritatis vsusque simul natandi præ cæteris insignis, clarum nobis & apertum exhibent testimonium, tot quotā-

nis aquis *Cantabrigiensibus*, clari generis absorpti iuvenes, & per-  
 untes funditus. Qui arte isthac orbatī prorsus ac destituti, horæ  
 momento, vitalia simul lumina, & triste nobis & eorum desideri-  
 rium reliquerunt. Horum necem imaturam interitumquē violen-  
 tum (Humanum cum sit humanis casibus ingemiscere) misericor-  
 dia multoties persecutus: dolebam equidem & vehementer ange-  
 bar, artem natandi tamdiu tot tantorumque magno cum dispendio  
 delituisse orbam, paruam, ignotam. Hinc primum traduxit ori-  
 ginem pia isthac erga patriam industria nostra, & brevis tracta-  
 tatus huius, regulas paucas, veras, salutare, demonstrationemque  
 lucidam ac apertam continentis, calamus noster primum initium  
 deriuauit. Quæ quidem quod publicam præcipue salutem, & ge-  
 nerosæ virtutis florem ad optatam maturitatem producere, vitæ-  
 que tandem seruare incolumen docet: minimæ artis commodo  
 maximo amplissimoque commotus tibi (*Wortleie ornatisime*) op-  
 timè de rep. merito, & academicis nostris ascribere, protectioni-  
 que vestræ fidissimæ supponere ac submouere, rem non adeo in-  
 uenustam æstimauī. Quæ quidem in re intimam animi mei notio-  
 nem tibi vt euoluam, amorisque erga te mei, vultum nudum ex-  
 pressamque imaginem vt reuelam: minimè tibi obscurum esse ve-  
 lim, antea actæ ætatis vestræ curriculum (quum aliquot retrò actis  
 annis, clarissimus musarum alumnus in Collegio nostro extitisti)  
 tantam etiam speciem, spemque tam splendidam eximie virtutis  
 ac inauditæ, oculis nostris clarè expressisse, quantam ego cum re-  
 liquis faciliùs admirari, quàm dignis encomijs, natiuoq; dictionis  
 lumine illustrare potero. Huic magna virtutum diuinarum caterua,  
 & gratiarum affatim vndique confluentium fit pedissequa: musis  
 ac Mineruæ mens vestra diuinitus consecrata, scientiæ monumen-  
 tis perscrutandis industria singularis, successus paucis annis admi-  
 rabilis, incrementum faustum, foelixque ingenij serenitas, animi  
 æquitas, morū comitas, in omnibus erga omnes sūma & singularis  
 liberalitas, animum mihi irritatum addidere, manumque ad scri-  
 bendum velocem. Quæ quidem animi sereni ac salutariter sapien-  
 tis dona diuina, splendidi tui pectoris area, tædæ Titanæ instar  
 collucentia, nisi tanta sint, tamque egregio nitore oculis omnium  
 (qui vel te norunt, vel animi tui integritatem) prælucentia, quanta  
 ego nec arte obumbrare, nec spiritu personare nec lingua exor-  
 nare, nec calamo effingere, nec penetrante mentis cogitati-



one apprehendere possim: lubenti animoveræ virtutis culmen illud diuinum aggredider, animique celsitudinem illam exili calamo meo pertingere non verecundarer: splendorem quoties intueor, toties vndique mihi acies oculorum est retusa prorsusque restincta. Nolo ergo (*Wortleie* dignissime) amplitudinem vestram verbis extenuare, quam vt velim, exornare, non est facultatis nostræ. Voluntatem me tibi satis magnam esse emetitur (et si rem ipsam nondum videor) tam exigui munusculi nuda præsentatio isthæc (in quo prudentiam potius nostram quam beneuolentiam desideres) apud animum tuum abunde satis cumulatèque testatum relinquet. Quam quidè si boni bellicque consules, eiusque indignitatem animo (vt solebas) amico & perbenigno interpretabere, a dubia trepidatione fragillitatis ingenij mei desperationeque vllius vnquam posthac operis in solem & lucem emittendi forenssem, me facile reuocabis. *Vale E. Collegio nostro pridie nonas Maij. Anno Salutis. 1587.*

Tibi sincere addictus

*Euerardus Digbeius.*

B.

De

## ROBERTVS BOOTH.

**H** *V*mentes ausus glebas animare Prometheus,  
 Fertur ab axe poli surripuisse faces:  
 Sic mentem a cœlis capiens a pulvere membra,  
 Ex viua infelix est homo factus humo.  
 Cumque premantur aquis absque arte Prometheos artes,  
 Mens metui cedit victaque membra mari.  
 Viraque pars certant leuat hæc, grauat illa natantem,  
 Tertia, dum certant vincere, vincit aqua.  
 Quam licet ex vsu superarunt sæpè iuuenta,  
 Non tamen artifices efficit vsus iners.  
 Efficit artifices Digbeius proficit vsus:  
 Et quo Marte tuo non potes arte nates,  
 Hæc docet in summo, summo tutissimus ibis.  
 Hæc docet in medio, si lubet ire vado,  
 Omnia membra facit soli seruire natanti,  
 Quæ si non prosunt singula, multa iuuant.  
 Brachia flexa regunt cursum tibiaque propellunt.  
 Sustentat motus, concanitasque leuat.  
 Ars docet hæc, artem Digbeius magna relinquens  
 Illis ut profit, qui sua cepta probant.

## OTTHO HELL.

**A** Estus qui docuit moderari primus amôrû,  
 Vincere quem docuit victus discessit amori:  
 Sic quoque qui docuit pennis pendere nouatis,  
 Arte perire noua docuit sua viscera natum.  
 Tutius & melius lex est descripta natandi,  
 Quam sectère modo, vincēsque Palæmona nando.  
 Arte salire docet summa de margine terræ:  
 Arte docet iactare manus, pedibusque mouendis  
 Ars data, seu fluctus aduerso pectore scindas,  
 Seu resupinus ames caput obiectare reductum:  
 Nec modo supremas docet ars hæc fluminis vndas  
 Stringere, subducto cæcus patet alueus antro  
 Nympharum domus alta, patet conclauere, lusum.  
 Ergo age, turbatas quia te duce spernimus vndas,  
 Typhis & Automedon Digbeie ferrere natantum.

**N**umina nugaces qui fingunt falsa poeta,  
 Carnelos dicunt Aequoris esse deos.  
 Nereæ, Neptunum, Melicertam, Protea, Glaucum,  
 Indomito credunt dicere iura mari,  
 Imperium pelagi, saevumque tenere tridentem  
 Tabula: nam veros non habet unda deos.  
 Non habet unda deos? Non vlium flumine numen?  
 Dic qua fingendi numinis ansa fui?  
 Eloquar aurati contermina temporis aeo,  
 Et Iouis imperio Gens, prius orta fui?,  
 Docta salum, riuosque pati, nandique perita,  
 Et non fessa pigro membra mouere lacu;  
 Sape dies liquidis totos transegit in undis.  
 Sumsit & in medio, vina cibumque freto:  
 Quin ubi dormiret tumido (sic credere fas est)  
 Nocte ferunt, fluctu sustinuisse caput.  
 Artibus edoctos, & longo temporis usu,  
 Stulta, maris magnos plebs putat esse deos.  
 Hac lege: perlectis coniungas temporis usum,  
 Et sis magnus, mox maris ipse deus.  
 Namque hic laude liber lauro & dignissimus Author,  
 Mortales ponti qui creat arte deos.

**A**νδρασιν ἀλφειῇσι, τε καὶ λίαν ἀγαθὰ ἔργοις,  
 ἅϊκε νόμισμα νέμειν τιμὰς πολλὰς μάλ' ἔχουσιν  
 ἢ μὲν Διγβάϊφ, τιμὴ μεγάλη γ' ἀπόκειται  
 ὅς γένος ἀμέτρου διαλέμνειν ὕγρα κέλευθα  
 ἐν ταυθοῖ δ' ὑπέδειξατο, γῆοις ἰδὺν ῥ' ἀπαλαῖσι,  
 ἐν ἡλχνωσ, ἀδεῶς, κύκλῳ τε δίκλῳ ποταμείου.

Ἰωάννης Βοῖς.

**P**ennatis auibus quas Icarus abstulit alas,  
 Reddidit inuitus, pinnatis piscibus illas  
 Hæc si iunxisset monitis præcepta paternis  
 Et patulis pisces spoliasset in æquore Remis:  
 Qui cupit indomiti minitanti murmura ponti  
 Spernere, vesanis & ludere liber in vndis,  
 Icarium cautus factum fatumque reuoluens,  
 Hæc legat & docto dispellat pectore fluctus.

## SAMMVEL GOODERE.

**G**rata susurrantis quarens solatia riuus,  
 Quo resoluta grani membra calore lenet,  
 Fallacem reperit ludi sub imagine mortem,  
 Plus satis hinc friget qui caret arte puer.  
 Vt secura foret prius insidiosa voluptas,  
 Vtque agili blandum falleret arte malum,  
 Porrigit hanc tabulam Digbeius, ritè teneto  
 Secure liquidis lude natator aquis.



# DE ARTE NATANDI

## Liber primus.

### Caput primum.

*Geronicus. Neuges.*

*Geronicus.*



Oelix nobis sit fausta que, hæc per virides campos deambulatio matutina : sitque satis auspicati ominis, quòd hunc mihi obuiam accedentem conspicio. is est, an non est? is quidem est: & quem ego hodiè, hic locorum, hoc tempore mallet omniū : quem ego animo semper egregiè charum, certo pro amico, & generosè a naturâ informato habuerim. Hancine ego occasionem tam opptatam, tam placidâ, tam inspiratam vt amittam? Huius occursum declinem? Hunc non salutem? Imò verò sponte accedit, & pudore gratioso suffusus, benè ominantem nobis salutationem offert. *Neug. Geronice*, mihi post nullos salutande, salue. *G.* O salue *Neuges* optatissime. quid? sub quo fausto & fælici sydere, alter alterum amans, neuter neutri, nisi de facie notus, vtriusque quasi sponte se promouente sua, hodiè isthîc locorum conuenimus? Num *Iouis stella* summo horizonte elata, vel clarus *Phæbo* viam præmuniens *Lucifer*, vel aureo iam vultu surgens *radiatus Titan*, plenam hanc nobis optionem, in medium adduxit? *Neu.* Id ego prorsus nescio : eò magis miratus, quòd relicta solita vestra ad cacumina montium deambulatione, in imam hanc vallam præter morem & consuetudinem vestram, descenderis? *G.* Ne mireris, perbenigne mi, quòd mutata velificatione, vallem hanc ripasque placidi omnis accesserim. *N.* Sapere aiunt istuc esse, vbi cunque opus est si animum possis flectere. Sed isthæc è solita vestra semita deflexio, & ad nos reflexio, inopinata simul ac grata est : & non possum non mirari vnde sit, *G.* Imber largissimus sæpè guttis exiguis distillat : fontes vberrimi angusta ab origine manant : & ex paruis principiis, sæpè magna conflata est amicitia. *N.* Qualis sopor fessis, arètoque in carcere vinctis, libertas : talis mihi hodierna congressio. & ab ore tuo, melle dulcior fluens

B<sub>3</sub>

oratio.



oratio. *G.* Nitor orationis hinc omnis abest; & verborū lumen: veritas autem ipsa subest, omnis sermonis nostri medulla: ipsa me abvilitata meta, ad hanc deflexionē voluntariam faciliē deduxit, quod neque hāc tam mane egredior, neque tam vesperi domum reuertor, quin te in prato isthoc conspicer: aut ambulare, aut sedere, aut clarum amnem inspicere: sic cogitabam; aut hic natandi multum appetens est, aut meditatio eum tenet melancholica. *N.* Rem vtrinque tenes. Amnem enim ingredi (etsi ignotum) animo multum affectaui meo. Hac cogitatione vltteriū paulo prouectus, tandem riuulus illē transuersē pergens, processum anteuertit nostrū, reuertique me modō compulit. Huius postquam margini, pedem semel appulissē meum, tranandi multum appetens, rem mecum sic expostulabam tacitō: quā ego sum prorsus ignauus & omninō impotēs: pisces tutō pernatāre angues, oues, boues, equi, asini, si necessitas vrget, transnatāre faciliē possunt: Ego autem vitæ tutandæ aut redimendæ gratia, riuulum tentare nequeam? non auisim? non possim? neque verō cuiquā hominum datur, natura vt natet, sicut solent bruta animalia? *G.* Hominis multō maiora commoda sunt, quā quæ cæteris competunt creaturis, diuiniora etiam plurima. Quodque tute (vulgatam errantis populi opinionem sequutus) non opinaris, illud certum est & veris principijs comprobatum: *hominem sicut cætera animalia, natāre etiam natura.* Idque sequenti vltterius dicemus oratione. *N.* Haud faciliē credo. *G.* *Dies adimit agilitudinem* hominibus & nostra oratio liberius paulō vltteriusque procedens, te per docebit illicō, hominem, etsi primo aditu ceteris ineptior videtur, sine tamē multō commodiū natāre & perinde gloriosiū. *N.* Quē cedo? *G.* Quod tute homini vitio vertis id sibi laudi ducit. *N.* Laudem ego hanc infra infimas aquas amandandam sentio, quæ homines summis in aquis perire sinit. *G.* Sine me peruenire quō velim, atque hoc tibi dubium verbo expediā. Animalia cætera, tecta, ornata, armata etiam, è suo fātū, in lucem locupies natura promit, *Taurus petit coram, dente aper, cauda leo, aconitis Venenosus vermis, homo verō iuermis, nudus, imbellis, infans, in lucem hanc prodit.* *N.* Quā ob rem brutis hæc omnia donauit, homini verō eorum omnium duci ac dominatori, eadem prorsus denegauit? *G.* Non est, (vt opinaris) dura nobis nouerca natura; imo homini nullum proprium victum, aut cultum pericularem præscripsit, vt cætera omnia tam animata quā inanimata, sibi

sibi hæc affatim ministrant omnia. *N.* Quamobrem in aquis perire potius quam cum cæteris natura natare voluit. *G.* Et si omnis scientiæ igniculi nobis a natura sint inditi, tamen huius facultatis saluberi inæ plus quam igniculos, immò rem potius ipsam natura homoeadeptus est. Siquidem quòd tot indies profundo liquido pereunt, id potius sua ipsius culpa, quam naturæ vitio est commissu, mox ut dicetur multo etiam cumulatiùs. *N.* Quàm foccunda mater humano generi sit natura quànique indulgens nutrix, id ego nescio: hoc vnum scio quòd cætera animalia salua ab aquis egrediuntur, homo autem solus perit in aquis. *G.* Hoc nisi fit, natantem ut tu videas in aquis semel solum hominem tute omnium animalium multò miserrimum opinaris. *N.* Scio hominum magnam partem posse natare, sed magnis cum laboribus, & summo nō sine periculo: adeò ut nonnulli fluctibus sæpè obruantur, antequam ipsam artem primo limine salutare possint. *G.* Homo facilius quam cætera animalia ad fundum descendit, idque quòd erectus graditur; cætera verò prona & in terram proiecta. Sed tamen sicut inter cæteras aues, *mille sola varios refert Philomela modos*: Ita quidem hominis in aquis agilitas, cæteris omnibus animalium omnium, omninò etiam præluet. *N.* De vestra in hac re dexteritate, multa sæpè audiui; itaque te per amorem obsecro, hanc mihi artem ut expandas. *G.* Immo primùs determinandum censeo (quoniam id dubium quibusdam est.)

## AN SIT ARS NATANDI.

*N.* **C**Vi id dubium esse potest aut obscurum, præsertim cum inferiores rationes omnes, quæ vel emolumentum nobis, vel agilitatem, vel tegumentum corporis ministrant: artes appellare solemus: qualis quidem sunt: *medicina praxesque georgica, militaris, nautica, fabrilis, Grammatica, Rhetorica, Musica*, ratioque tota *mathematica*, quarum rationes etsi clariore sint: tamen nulla harum hominem in summa pericla coniectum liberare possunt, ars quod solet natandi. *G.* Veram tute refers opinionem, arti natandi haud mediocriter congruentem: sed tamen dubium id diu fuit apud maiores nostros, & adhuc sub iudice hæc lis est: Cum & aliæ rationes (uti bene & prudenter dixeris) licet infimæ illæ quidem artium titulo insigniuntur, & suos etiam notos professoſque authores habeant. Rem ornauit *georgicam* Columel-

la, Romanusque Maro: *militarem* Vegetius: *medicinam* Hippocrates & Galenus, *iuridicam* Iustinianus, *septem liberales* Priscianus, Aristoteles, Tullius, Euclides, Boetius, Ptolomæus; *cosmographica* Munstherus, Pomponiusque Mela; *mappas globosque* Mercator, Ortellijque theatrum: *magiam, naturalem*, Cardanus subtilis, Alexis, Albertus cognomine Magnus; Supernaturalem, & quam appellamus *manticam*, scilicet, *necromantiam, necromantiam, synomantiam, geomantiam, arithmantiam, pyromantiam, chiromantiam*, Bacho, Catto, Lombardus, Albanus, Agrippa, Tritenniusque Abbas: *characterica hieroglyphici* Aegyptij, Sophique Arabes, Magique Babilonij, & Paracelsus ille *alchimistica* Geber, Lullius, terque maximus Hermes: *cabalistica*: Ruclinus, Rabini, Thelundicique: *pneumatica, inferiora*: Speculatio Angelica, ignotique nominis volumina multa: superiora autem, Apolonius, Arbarell, Salomon: *ars verò natandi*, quæ sola summis, summè periclitanti in aquis vitam conseruant, paucos, seu potius nullos agnoscit authores, qui artificium suum, ad vtilitatem periclitantium, & secundum rei dignitatem graphicè depinxerunt. Quod de honesto Tullius, *et si à nullo laudetur, laudabile tamen esse natura* idem *de arte natandi* liberè pronunciare licet, etsi à nemine ad hunc usque diem, in omnes sui partes rationesque methodicè sit digesta, est tamen ars ipsa magna per se, & vitæ humanæ in summis periculis præsens conseruatrice. Id etsi è claris principiis imperito tibi nondum eluceat, tandem tamen expertus crede *conclusioni*. N. Diuine vates siste modo, sol enim ad meridianum festinat; desine soli meridiano suffundere lumen. *Discentem oportet credere*, & tua me dictata docent, hominem natura ad natandum aptum esse, artificiosè verò natare sæpenuerò, facillimè, eleganter & quodammodo quasi gloriosè. Etsique his oculis non multo pridem multos natantes non vidissem, crederem tamen, & iam credo, *veram hanc esse artem, sed qualis tandem liberalisne, an mechanica*.

CAP. 2.

ARS EST MECHANICA.

G. **L**iberales sunt & dicuntur, quæ à libera mente, eiusque intellectione pura, per simplicem speculationem procedunt, opus



pus suum proprium, immunes prorsus ab omni naturali materia subiecta scientificè perficientes: quales quidem sunt septem scientiæ liberales: quarum tres prima Sermocinales reliquæ Mathematicæ nominantur. His aliæ sunt pedisequæ & vocantur *mechanicæ* quod ad liberales scientias sese habēt, eodem prorsus modo, quo ancilla ad dominam, & corpus ad mentem: quandoquidem *mechanica*, corporeis actionibus perficiendis, liberales, mentis conceptionibus explicandis, apprimè sunt accommodatæ. Itaque quod diuina relictâ mente, regioque eius regimine, ad seruire corporis ministerium, (vt solent *macha*) sese subducunt appellantur *mechanica* istæ quidem & *seruiles*, exterius opus suum & non sine sudore corporis (nec tamen sine magno artificio) perficientes. Hinc ergo artes appellantur. Et quamuis non sine materia corruptibili, opus suum perficiunt: tamen si vel *medicinam* ipsam, vel artem omnium *chemicam*, vel *natandi* etiam (omnium minimè necessariam) æquo iudicio ponderemus: facile intelligemus, *mechanicas* quasdam, etsi sine adiuuiculo liberalium exactè perfici nequeant: tamen illis omnibus longè clariores, diuiniore, vtiliores, & ad vitam hominis salutemque propagandam multò aptiores. Id ex collatione vel *medicina* cum *grammatica*, vel *alchimistica* cum *arithmetica*, vel *natandi* cum *rhetorica*, apta collatio docet. Quod si *ars medica* verè honorabilis dicta sit, & optimo iure dicēda, quia morborum humorem venenosum purgat, aut pestem abigit, aut mortem in diem vltiorem differt: non iniuria laudanda nobis & obuijs vulnis amplexanda occurrit *ars natandi* generosa illa quidem, & in summo aquarum discrimine (vbi nec opes, nec amici, nec genus, nec scientiæ liberales, nec artes omnes auxiliari valent) vitæ ope ferens præsentem præsidiumque tutissimum. Huius ego dignitatem hodie & vsum multiplicem aut cum *medicina* affinitatem non comemmorem? Quot cutis prurigines malasq; multas affectiones & immundas abigit huius exercitatio? *Digestioni præsertim soliaffimorum ciborum & naturæ vim superantium*, quàm commoda? Immoderato corporis calori sedando, quàm congrua? iucundæ animi oblectationi, quàm familiaris? Vitæ denique tutandæ & conseruandæ, quàm omninò necessaria? *N.* Tot commodis, tantisque laudibus *ars natandi* cumulatâ, nulli artium liberalium secunda nihil videtur. *G.* Vsum si spectemus, vitæ humanæ multò hæc est coniunctior: sin ipsam artem *habitusque animi*, unde reliquæ omnes procedunt actiones contemplerur: facile in-



telligemus a statu scientiæ liberalis eam haud multò abhorre-  
re. Si quidem glebosi, terrei plumbei, hebetes, rusticique pæne omnes,  
fundum rectà petentes, ad hanc plerumque facultatem sunt inepti-  
ores : at liberiori qui fruuntur spiritu, animoque verè liberali sunt  
hî præ celsitudine animi, vel sponte nonnunquam summis profili-  
unt aquarum fluctibus, exigua, aut saltem nulla præmissa exercita-  
tione. *N.* Benè se res habet. *Ars ipsa est mechanica*, initio magna  
contentione partium corporis aggrediunda. Hoc scire præsens  
cupio, quis

## CAP. 3.

## PRIMVS NATANDI GRADVS?

*G.* PRIUSquam natationem ipsam experimur, multæ sunt ac-  
cessiones recessionesque, experientiæ crebræ, decubationes  
incipites, extentiones nonnullæ incassum eiectæ. *N.* Sed ex his  
quis primus natandi gradus est, quæ postquàm sumus adepti, tum  
natate dicimur? *G.* Verbo vt edicam primus natandi gradus est,  
*soliis aqua subleuamine aquarum regione ferri* : idque duplici-  
ter vel *in sublimi, capite summa aquarum superficie elato*, vel *inferius*  
*capite demisso, mediâ amnis regionem, corpore possidente*. *N.* Initium  
hoc est plusquàm dimidium totius. Iam etiam, vt absolutè teneam  
totam hanc rationem, quis est

## CAP. 4.

## NATANDI FINIS?

*G.* ALIjs, æstuante solis ardore, nimiumque sudante corpore,  
refrigerij iucunditas; alijs cutis munda ablutio : alijs iocus  
ludusque hic elegans & liberalis; alijs vitæ ab aquis tutandæ artifi-  
cium; alijs alia; siquidem *trahit sua quemque voluptas* Szpè verò, ac  
multum cogitanti mihi, commoditas necessitasque potiore loco-  
cum sibi suo iure vendicare debent, quàm voluptas: cuius vana ti-  
tillationes iuvenes multi, iidemque verè generosi, irritati, nociuam  
nonnunquam voluptatem dolore cientes diris se vouerunt peri-  
culis, triste post lugubrem exitum, nobis eorum desiderium relin-  
quentes. *N.* Itaque herclè cognito fine, omnes actiones nostras ei-  
dem

dem accommodare possimus. *G.* Finis, qui sequitur e contentione nostra dum natate studemus, est *transilire flumen, fundum nullā parte corporis, omnino pertingente* : Finis verò, cui destinatur hac ars, est *vite salus summis aquarū periculis*. *N.* Hanc homini præ cæteris animalibus facultatem natura denegauit, & tamen diu mecum multumque dubitavi.

## CAP. 5.

*NVM OMNIA BRUTA NATANT NATURA.*

*G.* Indulgentissima omnium parens natura, vnicuique satis firmā, solidamque sui defensionem ministravit, sed tamen non omnibus. neque contra omnia, multò minùs contra immedicabilem in aquis suffocationem. *N.* Quæ animalia natant natura? quæ non? *G.* De omnibus verbo dictu est quidem difficile. At verò si naturæ fabricam vniuersalem & dispositionem simplicium in compositis obseruemus, nobis citiùs faciliùsque elucebit. *N.* Quam tu animaduersionem narras? *G.* Cuius quodque compositum elementi maxime abundat, eius plerunque motum, actionem, locum, affectat naturaliter, ut priùs de carnosis, plumbeis, hebetibusque præmonui idem iam tibi de tanta animalium varietate renunciandum censeo. *Nature sequitur semina, quæque creatura sue: ita, quò natura direxit, eò tendunt naturaliter naturalia omnia.* Quibus cauernas terræ creatio destinauit, ea ad natandum aut prorsus sunt inepta, aut maxima difficultate in aquarum sublimi se sustentant. Id patet exemplo: vermes subtùs degentes, aquas iniecti, fundum petunt. Bufo latiori corpore est, & forma ad natandum ranā aptiori, & tamen quòd sub terris degens bufo, terreum venenum cauernis terræ repositum; rana autem viridi sub fronde lepidè ludens rorem acreum captat: *bufo petit fundum faciliùs; rana (nisi de industria descendat) in sublimi, (hominis ventre, natationem omninò representans) fertur, Anguilla & angues, illæ luto pastæ, eoque habitantes, difficulter natant in alto: hi aura vescētes, capite corporeque aerì contiguo, latitudinem amnis transigunt.* Similis est etiam ratio volucrum: *hirundines, volantes, aereo muscarum corpore pascuntur; volantes etiā summo de amne gustātes bibunt: itaq; celerius cæteris volatilibus quæ terra degunt & continentur, prouolant, reuolant, a-*  

Ca
volant.

auolant. *N.* Fontem hunc generalē gustans partim intelligo, qualia illa quidē sunt, nunc verò nomina eorū audire cupio, vt certò teneā,

CAP. 6.

QUÆ ANIMALIA NATANT NATURA.

*G.* Sicut inanimata corpora, quæ plus aeris aut ignis possident, quæ terræque plus sapiunt, ea difficulter supra natant aquas, vt plumbum: ita quidem animalia quæ calidissima sunt constitutione corporis, ea, facillimè, velocissimèque summis prolabuntur in aquis. *Leo solis bestia*, quia calido est sanguine, membris agilibus: corde generoso, facillimè fortissimèque natat. Huic similem se præbet inter natandum *canis temperate calidus*: inferiori autem gradu, *equis, bos, asinus, porcus* suis necis conscii. Nec verò bruta hæc animalia, tam facilè natant præ temperie corporis naturali, quàm præ tumida corporum figura in longum proiecta, benèque ad natandum disposita. *N.* Cur non Gallus, similiter atque anates natat, cum sit auis Solis, anas autem auis Saturnia? *G.* Quia membranæ sibi pedibus defunt, quas *cygnis, anatibus, anseribus* natura donauit, quibusque se inter natandum dirigunt. & quibuscum volatum petunt, sese ab aquis erigunt, eleuantque. *N.* Gallus si alas vtrinque expandat, num in aquis periret? Minimè, caput si erigerit. *N.* Et volucres, & vermes, & quadrupedes panè omnes se in aquis seruare nōrunt, quid homo? nihil ei tributum est a natura. *G.* verum verbo vt proloquar.

CAP. 7.

HOMO NATAT NATURA adiuvante.

*N.* Quare ergò tam citò omnes penè periclitantes in aquis, descendunt fundum versus, & pereunt illic? *G.* Id partim sit præ erecta, procèraque hominis figura, cuius pedes terram vt premant, cum à natura sint destinati; sicut armata ferro sagitta, liquidò descendit in in amnem, cui ferrum si fortè adimas, ipsa summa illicò



ilicò natat aquarum superficie: ita pol quidem, aquas semel immis-  
sus homo, si se in longum extenderet, similique positione vteretur,  
siue casu illud foret, siue consilio, neuiquam immergeretur.

*N.* Quantum intelligo, totum artis natandi opus latet in protectione,

*G.* Etsi ea aditum ad reliqua satis clarum & apertum nobis dedat:  
tamen vel si id fortè facit ab arte abhorens, vel (quod postea  
planius docebo) si cœlum vultu fixo suspiciat, quiescens manibus  
pedibusque omnique corporis motu (quod nulli quadrupedum  
conceditur) is natat ab omni aquarum periculo omninò immunis.

*N.* Qui indies sub aquis pereunt, ij more prædicto contendunt  
manibus, pedibusque *G.* Minimè, sed se incuruant, aquas obuijs

vlis amplexantes, magna attractionis vi ac violentia fundum pe-  
tentes, cumque fixis manibus comprehendentes, quod natandi  
peritior paulò sine magno labore efficere non potest. Nec verò ru-  
dis ille & natandi imperitus, ad fundum vsque demersus, ibi se diu  
retinere potest, quin reluctante seipso ac renitente, ad summum a-  
quarum bis terue ascendit. Quæ quidem omnia apertè docent, ho-  
minem natare summis aquarum adminiculo nature. Verum cùm ita  
sit vita hominis quasi ludas tesseri: si illud quod maximè opus est,  
à nobis iactum non est; illud quod iactum est, id arte est corrigen-  
dum. Quæ quidem humanæ naturæ adeò est consentanea, vt huius  
tactus auxilio semel si sit.

## CAP. 3.

## HOMO CÆTERIS ANIMALIBVS

*natando præcellit.*

*N.* Pace tua dictum sit & patientia, etsi pluribus inter natandū  
homo præluet anim alibus, tamen non omnibus. *G.* omnibus.

*N.* quid de aquatilibus affirmas præsertim autem piscibus, qui vi-  
uunt continuo in aquis, sagittarum instar, inter natandum eiectioni,  
flexi, reflexique, huc illucque sursumque & deorsum, mirificè, om-  
ni prorsus amota defatigatione? *G.* Pisces à natura huic elemento  
sunt ascripti, hicque locus sibi naturalis, respiratione est omninò  
vacuus: homini verò spiranti, respirantique huiusmodi est vio-  
lentus quidem & lethalis; unde, pisces in aere, homo in aquis, diuti-  
us detentus interit. Hinc pisces natandi sibi præcellentiam perpetu-  
am



am uendicant. Et si penitiùs paulò rem ipsam vnà cum aquis si inspiciamus; pisces hac ipsa quoque ratione, homine natandi peritò, sunt longè inferiores. Hic enim horæ momento a summo ad imum profundi perpendiculariter descendit, quærit, apprehendit, euehit atque aduehit, aut amissum priùs, aut incognitæ areæ signum, à longè proiecta, signa tria aut quatuor autem diuersis locis immersa (saltem visibilia) antequam vel viderentur, vel videri possent, subtus natans recta aggreditur, reducitque. Supinus natat, pronusque, dexterè sinistrè, stat, sedet, iacet; vestes, aliaue tutò portat, transportat, reportat; ambulat ad placitum etiam in profundissimis aquis, quæ quidem facultas piscibus longè est aliena. *N.* Quàm mihi irritatum animum incendisti? Adeò vt ipsa hæc videre vellem, & tentare etiam quoad possum summo perè. *N.* Viridis hic campus est, *sed terra subest nigra*: olentia prata, *sed anguis in herba*: perspicuus amnis, *sed mors nigra latet in fundo*. Ignis, aqua dominans, duo sunt pietate carentia *Bis cauet, qui benè cauet*, & tutè ab his malis benè cauetò. *Pericula qui est aggressurus, præmonendus est*: & hic mihi dies vt sit satis ad narrandum vereor, *N.* Pergas ergo precor salutaris orationis tuæ filium producere, *G.* (quod dicturus eram) hanc viam experturus multa præuidere debet, & pernoctare, ne tandem longo febrium & malorum morborum tædio distentus, præ sua temeritate, ab hac optima arte prorsus abhorrens, eidem maledicat, *N.* *Quæ prima est observatio. G. Primo*

## CAP. 9.

## TEMPVS ANNI EST OBSERVANDUM.

*N.* **T**Empus quod est propriū? quis ve mensis maximè temperatissimus? *G.* *Dira si cogit necessitas*, omni tēpore omni ætatis dispositione, omni etiam aqua natandū: *sin tempus postulas, quo commodissime* aquis tenerā cutē cōmittere solemus; *illud quatuor mensibus concluditur & continetur.* *N.* Qui sunt illi quatuor? *G.* *Climare octavo* habitantibus, *Maius, Iunius, Iulius, Augustus* placabilem quidem natandi & aerem præbent benè temperatum. *N.* *Maij* rigidi sunt afflatus & nonnunquam paulò asperiores. *G.* Sunt quidē, pluresque quàm in cæteris tribus & multò nocentiores: itaque si-  
cut

cut in alijs, ita hoc quoque mense *electio temporum est facienda*. *N.* Quæ eligenda censes, quæ etiam euitanda tempora? *G.* illud cum ad plagas mundi earumque ventos explicandos deuētum erit, altius euentilabitur. *N.* vtrum à principio maij, ad finem vsque augusti, tutò & salutariter natare valeamus? *G.* Etsi in torridis mensibus ac diebus. quibusdam horis aquæ sint frigidiores minùsque salutaris, quàm in alijs tamen à 20 die maij (sole signum gemini occupante) adultimū vsque augusti (spicam virginis sole tunc temporis saluante) percommode natare valeamus *N.* qua est præcipua

## CAP. IO,

CAUSA TEMPESTIVI MENSIS ET  
intempestiui?

**E**T quare *Martius* aut *Aprilis* aquas asperiores fouent, quàm *Iunius* aut *Augustus*? *G.* Quia *influentia cœlestis*, his mensibus sedatiorem reddit aerem, quàm *Martio* aut *Aprili*. *N.* Nonne cœlum vndique sursum est & vniforme? nonne stellæ eadem semper claritate sunt, eandemque semper virtutem inferius emittentes. *G.* Ita est. *N.* Libenter ego scirem, vnde primò hæc varietas diffuit? *G.* Superior quaque natura suam regit inferiorem. *N.* Verum illud est; sed cur non eadem est animò stellarum *influentia*. *G.* Scilicet *varietas positionis solis ac luna*. *N.* num horum corpora, aliquando propiora, aliquando remotiora a nobis sunt? *G.* Respectu motus *excentrici & concentrici*, alijsque tibi nondum notis, sunt. sed hæc insensibilem reddunt *varietatem*. *N.* Quæ ergò manifesta est huius mutationis origo? *G.* *Solis ac luna motus*, tam latitudine quàm longitudine: quorum illi accessu, & recessu, hyemem æstatemque efficit: hæc menses, dies, horas temperatiores aut vehementiores reddit, idque aquis, aquosisque omnibus præcipuam quandam regionem sibi vendicando. *N.* Quare sol calidiorem radium nobis æstate emittit, quàm hieme, cum æquali semper à terra distantia sit sepositus? Quia propius accedit ad zenith nostrum & directius nostrum clina suprè ponitur, vnde eius radij directius ac magis perpendiculariter in superficiem terræ incidentes, maiorem etiam reflexionem reddunt & perinde ardorem vehementiorem. Sicut patet ex diuersa ambulatione tua quotidiana per valles istas, meaque

alto cacumine illius montis frequenta. Sol utrisque ostium simili-  
 lem emittit radium, dissimilem tamen calorem excitat. Hic enim  
 locus valde fervidus est, quia solis radij sunt hic residui cacumen  
 verò, frigoris maioris est particeps, quia radij facile transiliunt  
 montem. Ita quidem hieme cum radij sollares oblique in terram  
 cadunt; propter latitudinem positionis solaris facile transeunt; æ-  
 state verò cum directe penetrant terram *residui* sunt, & calorem  
 supra terram excitant multò maiorem. Vltiorem verò originem  
 huius si perquiras, *nempe, quare sol accedit æstate, hyeme verò recedit;*  
*id liquet ex obliquitate zodiaci, cuius latitudinem cis æquatorem se-*  
*mel sol ingressus, versus septentrionem vergens, altumque cancri ca-*  
*put affectans, aerem temperatiorem reddit, & perinde aquam at-*  
*que terram. Huius rei indicium sunt, & effectus satis euidentis,*  
*solutiores nebulae, scatebrae frequentes mense terram rigantes April;*  
*flores Maij, frondosis dumetis congesti autumnidi, minuti (vt vides)*  
*rimulis scaturientes pisces. Quæ conuersio, veris in florentem æsta-*  
*tem (Phœbo 12. Maij gradum gemini calcante) liberè procedit.*  
 Quòd verò quidam menses, diesque & horæ, solito siue rigidiores  
 siue vehementius calidi, id ex Luna ventoque posterius ediscen-  
 dum restat: interea primum temporis interdicti differentiam vt  
 teneas, tibi

## CAP. II.

NOCTIS NATATIO EST  
evitanda.

N. Quid non licet a 20. Maij ad 1. m. Septembris nocte natari?  
 G. Non neque omni die. N. Hæc ego tenere cupio, sal-  
 tem illorum audaciam vt reprimam, qui sese aquas nunquam dis-  
 fugisse iactitant. G. omni nocte & quibusdam etiam diebus interdico  
 tibi aqua & igni: illa ne nimium frigeas, hoc, ne hoc mense calescas  
 plus satis. N. Dic (quæso) mihi, in dictorum dierum quis est pri-  
 mus? G. Primò, noctis natatio omnino est evitanda. N. Solent plæ-  
 rumque nostri nocte natari omnes, & liberius fluuij sese mersare  
 salubri. G. Sed post longam poenitentiam, peritionibus non est sic  
 usus. N. Aqua nocte sæpe est tepida. O. Sic videtur propter æquæ-  
 pisaçij aeris circumstantis, & quia semoto calore solis, aer refri-  
 rij



rijiam capacior, aquæ sedatum calorem commendat. Sed tamen  
 nō est iam mutata ab illa, quæ modo fuit, aqua, aut qua fuit tempe-  
 rie. Sin dubitas utrū ab hac differentia, an potiùs a varietate aeris,  
 corporisque nostri dispositione varia procedit, an ipsis aquis sit  
 insita: quocunque vespere solis sub occasu nataueris, egressus se-  
 mel (solis capite, alto cubili reposito) & vestitus paulò post, manum  
 in amnem demittas, quò diutius prius nataueris, tantò tepedior a-  
 qua sensibilibiter visa erit. Id fit primò quia corpora nostra iam ma-  
 didè sunt infrigidata, & aer non tam feruidus est atque priùs, phæ-  
 bo viam oculis lustrante. Sit aut non sit, multò nobis gratior visa  
 est. *G. Gravior est pulchro veniens è corpore virtus: nocte etsi multa  
 corporis latent mende; lucis tamen & diei est formosissimus amnis. N.  
 Cur tu noctis natatione mihi interdicas. O. Quia sol abest solatium  
 verum, dux vie, lucibilisque author tenebra verò mortis nobis um-  
 bram protendunt, quæ profundis latet in aquis. Præterea nocte na-  
 tanti tibi vide quot occurrant lethifera discrimina, eademque re-  
 pentina ac inopinata. Furca luto infixæ, lapides acuti in altum sur-  
 gentes, rami subiecti, mala gramina luto so fundo crescentia: infinita-  
 que alia præsentis mortis pericula quibus forsàn si pericliteris, a-  
 quis submersum nemo te vidit, nemo audit, nemo meminit, ne-  
 mo respicit, tenebris colludentium reliquorum nemo suspicatur:  
 nisi fortè cum aquis egressi omnes, superflua iacente toga, quisque  
 inuicem, cuius hac est rubinam ille est tenebroso amne conclamatus  
 est, vndique couquestum: gelidus coit sub pectore sanguis, actum est,  
 illicet, noctis tenebroso opertus tegmine perijt. Ad hoc extremi descri-  
 minis periculum, alia etiam accedunt incommoda: noctis fumè  
 crassi, ab aquis surgètes, nocini; aqua spumosa superficies, bufones, ranae,  
 angues, anguilla sese in flumine lauantes, absentia denique solis, aquis  
 exeunti, capitique præ aquoso frigore dolenti, præsens medicina. N. In  
 his mensibus nullus dies est natanti euitandus. O. Etsi mensis sua  
 natura satis sit æstiuus; tamen*

## CAP. 12.

NON OMNI DIE EST NATANDVM.

**N** H O sego dies horasque dinoscere cupio. *G. Debita tempo-  
 rum & solers observatio horum notitiam tibi suppedita-  
 bit.*




bit. Quidam enim sunt dies horæque aquaticis exercitationibus omnibus alijs, nocentiores: quibus & aqua frigidior multò quàm antea & aer crudior, & perinde tota hæc exercitatio periculofior. *N.* qui sunt illi dies quæue horæ. *Dies horæque inter lunis;* præsertim si contingat *signis terreis aut aqueis* & frigidiores reddit aquas, & corpus humanū eodem prorsus modo, ad aquas subeundas reddit magis ineptum, stomachumque crudum. Idem euenire solet *luna signis terreis aqueisque inhospitante, sole item, lunaque eclypsin in huiusmodi signis patiente.* *N.* Alijs ergo omnibus diebus fluentū ingredi licet. *G.* Non omnibus sicut enim apud poetam, *Lunonis iussu. Æolus subditò fluctus solito concitiores reddidit:* ita nonnunquam, vel *Iouis stella Saturniq; in aqueis terreisque signis coniunctio, Martisue aut aliorum,* turbines aere confitant. Vnde ponto frigida nonnunquam diffluit hiems, & non tractabile cœlum. Itaque sicut nauis priusquàm expansis velis, altum araturi: itidem etiam aquas temperatas cupienti

## CAP. IO,

## VENTVS EST OBSERVANDVS

*N.* **S**Vntne vasto gurgite fluctuantes aquæ, pacatis frigidiores? *G.* Minimè calidiores nonnunquam ac clementiores. Sicut enim mens fera sæpe latet, sub molli cute: ita quidem tenuis nonnunquam spirans aura, frigidiores reddit àquas, quàm ingens ab alto. erūpens æthere turbo. *N.* Quæ causa huius dissimilitudinis est? *G.* Venti sunt *asperiores clementioresque prout plaga mundi est, à qua spirant.* *N.* Qui venti natantibus sunt amici, quine inimici? *G.* Quatuor sunt venti cardinales *Septentrionalis, Meridionalis: Orientalis & Occidentalis.* Horum duo sunt amici corpori humano, & vegetalibus, ac elementaribus, scilicet, *auster & zephyrus,* eorumque, species. Hi aquas clementiores nobis dedunt. *Duo item sunt frigidiores, corporisque humani, aquarumque penetrantiores: hi sunt Bo-realis ventus, Eurusque cum omnibus subspirantibus ventis: quorum quidē plagas ante oculos tuos digito designatas dabo.* *Secundū sententiā Aristotelis numero duodecē: huncq; in modū, carta depingūtur.* *N.* Ho-

## POLVS + ARTICVS.



N. Horum quis præcipuè est fugiendus? G. Fortis animo, robustusque corpore, paucis adhuc febribus domatus, nullum diem vitare nullum ventum subterfugere solet: sin aquas asperiores fugere, clementiores, temperatioresque appetere velimus, & certò tenere, quæ tempestates saluberrimæ, quæ omnium humano corpori nocentissimæ: præ cæteris omnibus impense caueto ab Euro: iuxta enim prouerbum, nec homini nec bestia, est salutaris. Secundò, docet Georgicū illud. { Nec tibi tam prudens quisquæ persuadeat author, { Tellurem Borea rigidam spirante mouere.

ut boreas infrigidat, sed non tanto cum periculo penetrat, inficitque corpus. *Reliqui omnes sunt tuti ac salutare*: quoque ab his remotiori plaga procedunt eò sunt iucundiores magisque salutare. His cognitis alia sunt leuiora incommoda præuitanda etiam. *N. Quæ sunt illa? G. Etsi Ventus sit australis; aut Zephyrus clementer spiret, tamen si fortè pluat*:

## CAP. 14.

## DVM PLUIT NON NATANDVM.

*N. H*is mos est huius diei peruulgatus, & hunc frequentantes in aquis dum sunt, ripa astantium ignauiam, prorsus exultantes derident. *G. Id quemque maximè decet, quod est cuiusque suum maximè*: ego isthuc ætatis cum essem, puerilibus hisce iocularibus animum solebam oblectare meum. *Verum hæc dies aliam vitam affert, alios mores postulat*; aliud alios nostris vestigijs insistentes manere iubet. Descendentibus *scatebris natare*; iocularis est, & res iuuenili ardori, admodum iucunda. Verù, si pænitere tanti non times, *sperne voluptates pueriles, nocet emptæ dolore voluptas*. *N. Voluptatem in hac re præsentè video, dolorè verò non video*. *G. Claro plærumque & egregio enitens ore præcedit, voluptas, nebulosam post se & obscuram ærumnarum traducens multitudinem*. Tusi isthic aquarum pluenti stillarum copia, semel rigatus fueris, aliter sentias: alijsque clarè ediceres, hæc aquarum (aere humido frigidoque sæpè succedente) *multiplex infusio, corpori quàm sit inutilis, oculis turbulenta, homini denique toti molesta*. Dein alijs alia succedunt iucommoda, siccum (vt mos est), aquas fastidientes, cum repetimus, illic terram, herbas, vestes aquoso nimbo auatas inuenimus frondes stillantes vndique: frigidi madefactis vestibus induti, quoniam salutis descirimine non circumcingimur. *N. Egressi optata iam sumus petiti arena: aliud ne restat, priusquàm aquas intremus*. *N. Scilicet.*



## RIPA DILIGENTER CONSIDERANDA

**N.** Nil nostrâ refert ripa, dummodò præmonstrator viæ nobis præstò sit nosque anteat in aquis; aut si talis absit dummodo nobis sedulo prospiciamus. *G. Loci multa sunt commoda magnaue, multa incommoda.* *N. Quis ergò est locus commodissimus, quæue ripa selectissima.* *G. Non arenosa, non creta tenax, non lutosa hærent enim pedibus & exeunti sunt molestæ. ne sit nimium rudi indigestoque gramine onusta.* His enim subest multa bufonum, ranarum, vermium inutilium copia: sed sit arida, solida, viridis graminea, iuxta Poetæ illud, *Arca gramineo suberat viridissima prato:* ripa super viridi florescant arbores, a vento certum tutamen & sole. *N. His opportunè hunc in modum selectis, quid restat quin camus prorsus, & in medium flumen ruamus?* *N. Mane*

ANTEQVAM INGREDIAMVR, A-  
qua sedulo sunt perlustranda.

**N.** Claræ modo sint benèque perspicuæ, quid aliud curandum cense. *G. Alia etiam spectanda sunt. Sed tamē (quod dixi) id imprimis præuidēdū, scilicet, nuda vt sint superficiei; graminibus, straminibus, spumaque sordida, reliquisque omnibus immundis superfuitatibus vacua.* Dein penitiori oculorū acie ad fundū penetrandæ sunt, seduloque aduertendum ac cauendum meræ vt sint. Si enim turbidæ fortassis fluant, præsentinis superiùs promanantibus, aut tinctorum reliquiarum eiectione, aut balantis gregis ablutione aut superiùs fundi lutosi exagitatione fugienda omnino sunt quia cuti & tempori sunt inutiles. *N. Nunquid aliud præcauendum restat?* *G. Fundi notitia nobis certa habenda est, quæ qualis, & quanta sit: quàm eminens vbique quàm depressa. Si enim lutosus sit, vel hâc eminentior, illac valde aut abruptè decluior, profundiorque valde; hic locus, natandi imperito, est multò maximè exitiosus. Quòd si peritior tandem fies, aquas, lutosus quibus subest fundus (nisi valde profundæ sunt) ne insultes aliquando. Tybijs enim infixis in*



luto hæres, aquis verticem lethali tegmine superantibus. *N.* Si forte hæreamus in luto, nonne enixione valida, & labore improbo hoc delictum superemus? *G.* Quànto Robustius contēdis, tantò profūdīus descendes: nisi fortè luto rariori, solida firmaque subsit terra, qua pedibus semel contigua si fiet, fortè subleuamen fert. *N.* Misero hoc casu, quid factu optimum putas? *G.* Quibus morbis serò medicina paratur, eorum principia serio sunt præcauenda. Non enim tam docendum mihi arbitror, quid periclitantes commodè faciant, quàm quo modo & artificio, a periculis præcauere tutò possumus. Hæc nosse prima salus est adolescentulis in hoc potior latet ipsius artis narratio. *N.* Area natanti quæ est optima? *G.* Euident, arenosa, aquabilis, tersis saxis solida. *N.* Hæc rarò aut nunquã inuenitur. *G.* Hunc, huic propinqua & finitima est eligenda: Siquidem pulchrum est prima sequentem in secundis aut tertijs consistere. Tandem in quo cardo rei vertitur priusquam ingrediari, aquæ tibi undique sint nota, omni etiam loco & puncto quàm sint profunda, exploratum habeas. *N.* Id quæ sciam, nisi periculum fecero. *G.* Istuc periculum in vita fieri graue est. Dux via & præmonstrator natandi peritus tibi opus est. hic omnem (quo natabis) circuitum sensim pedetentimque perambulet, tibi cuiusque loci profunditatem planè demonstrans. *N.* Sin recens essem, puderetque alijs præsentibus ingredi, talisque si deesset amicus? Neque recens tute es, neque adhuc multum veteranus. Sed esto: deest dux in aquis, & quem volo, præmonstrator, Prandi canane, aut alio quouis tempore, cum sis negotijs vacuus, ripeque multitudine sint destituta. assumpta tibi virga piscatoria, similiue hasta, eidem filo annexo huiusque termino infimo, plūbo illigato, extendas undique virgam, demisso ad fundū plumbo. quod tibi cuiusque loci altitudinem planè demonstrabit, *N.* Quid si hastam hanc ad ulteriorem ripam extendere nequeamus? *G.* Primò ripa ambulans, quo vsque poteris omnes loci differentias ripe subiecti, hæc ratione calleas: Dein aquas ingressus, vltèrius undiq; tentes, quo vsq; omnes gradus illius loci tibi planè sint cogniti: tandem, nullum alium ingrediare locum donec peritè natare poteris, huncque rarò aut nunquàm sine præceptore tuo aut saltem fideli comite. His benè intellectis pauca iam restant, ultimo in loco.

## INGRESSVRO OBSERVANDA.

**C**VM omnia affatim vndique suppeditata sint, vide ne tute tibi defuisse videare. *N. Qui se habet, is nihil perdidit. G. Rectè, sed ut se habeat saluum sospitemq;* omnia dictata iam a me & dicenda utique firma memoria sunt tenenda. *N. Dicta iam facta à me putes dicēda lucida (ut cæpisti) seriè cōmemores. G. Aquas initurus si sudas, aut sudaueris modò, sensim laxatis paululum vestibus hucque illucque aliud agens te moneas, donec moderatè represso sudore, lentæque auræ capto refrigerio, temperatura corporis sis sedatiore. Dein, exutis vestibus (sed sic ut singulis exuendis mora succedat & actio, aut ambulatio moderata; nā omnis mutatio subita, corpori est periculosa) togatus parumper ambules; diligenter observes, locum ingrediendi & egrediendi commodum. His tandem prudenter (ut dictum est) & comparatis: animo magno celsoque, aquas perlustra, accede, retrocede, si natare potes. insulta; sin imperitus, actū tum ingredi, ad ventrem primo processu tectus, nequemultum huc illucque vageris, donec lentus procumbens, natare animose contendas. N. Hæc ego omnia quàm videre velim? G. Iam vnde primò orsi sumus, eò sese reflexit oratio nostra; & optata hæc conclusio; & tempus & pulsata campanula, opportunè monent, ut sermoni nostro finem imponamus: alius dies prædictorum omnium, viam tibi & præsentem dabit demonstrationem: interim memor mei, Viue ac Vale.*

*Neug. Ut nox longa, quibus mentitur amica, diesque  
 Longa videtur opus debentibus: ut piger annus  
 Pupillis, quos dura premit custodia matrum:  
 Sic mihi tarda fluunt, ingrataque tempora, dum te  
 Clarum perspicuis salientem videro lymphis,  
 Vale.*

# DE ARTE NATANDI

## Liber Secundus.

*Geronicus. Neuges.*

Proximum.

*Geronicus.*



Amanti multum & quærenti, nullum vnquam iter redium ministravit. Id imprimis & hodierna perambulatio lucida illa quidem ac gratiosa sensum sine sensu peracta, & candida polo humentem Aurora dimouens vmbra, & roseo *Phebus* surgens in coelis vultu rosque lentis fatus ab herbis, & gratiosa specie virides frondes, & cantu claro modulantes aues, & opacæ circum sonantes sylvæ, & summis pisces colludentes in aquis, & optatissimus meus, quem præsentem conspicio; satis iam satis aperte proloquuntur. Quem quidem ego vultu in signem, & veræ virtutis flore cumulatè decoratum, tacitus præteream? Vel si heri isthæc nobis ratio non instituta fuisset: si in huuc præsentem, florem iuventutis nostræ, oculi non essent coniecti: si non sua sponte in occursum mihi festinaret: tantumne tamen, tam macta virtute, speque germen non ignobili: tantum ac tam diuinum caput, in quo verus inest uirtutis, non fucatus nitor, tacitus præterirem? Quin ignauia discede hinc in profundum fluentis; & ingratitude mihi multum odiosa apage longè à pectore meo: & tu propè accelerans, *prima dicte mihi, summaque dicende Camæna, Salue. Neug.* Hoc me amore donantem plurimum saluere iubeo. Memorem te nostri fuisse, *dictum ac factum tuum abundè satisfaciunt*: meminisse gaudeo, & non neglexisse habeo gratiam. Millies tibi redundet salutatio isthæc tua tempestiua: foelix sit, clarus huius auctoræ splendor, solida natandi spe hac nocte depasto mihi, non inuenustus. *G.* Si virides simul surgentesque inspexeris agros. *Spes alit agricolas, & adhuc tua messis in herba est: Spes vitrix periculis* sub spe procedin us ambo, & benè ingrediendi, & regrediendi salutariter. Sed quamdiu hic præsens fuisti in pratis? num quis in his finibus perambulās? aut, qui sunt in aquis? *N.* Non  
mul-



multò pridem has ripas accessi, aquas inspexi, vndique circumspexi: neminem, nihil nusquam video quod nollem. *G.* Benè se res habet: siquidem claræ sunt vndæ hæ, & vndique silentes ripæ. In portu vterq; nostrum mox nauigabimus. Tuū est iam (Omihi post nullos memorande sodales) hiberni diei, loci ac sermonis argutè meminisse. Accingere locus conuenit, contingit, conueniunt mores, rectè conuenimus ambo: tu vestes paulatim exue: ego vnâ solutus ero. *N.* Non potuit, opinor luculentior nobis venustiorque aurora contigisse. *G.* Quæ res consilio geruntur & meditatione prudenti, euenire solent illæ plærumque ex sententia: *temeritas verò, audaxque iuuenilis ardoris effusio, periculi ac penitentia sunt nutrices.* *N.* Quantum sentio, huius exercitij commoda incōmodaque meditata nobis sunt penè omnia, quid ergò moram trahimus? quid agimus? quid non immergimur? *G.* *Omnis subita natatio est periculosa.* Quandoquidem modò sudauimus ambo, refrigerium captemus soluti, lentè incedētes togati. *N.* Mihi ante omnia arridet hic formosissimus amnis, areæ cui subest euidētissima. *G.* *Nitentibus nimium ne credas lymphis: gustata potius quàm potata delectant.* *N.* Satis cum sint tutæ, notæ placidæq; compositæ, quid non irruimus? *G.* Et incipiendi, & desinendi vtique certa ratio est obseruanda, ne nimium præcipitanti se in principio, exitus succedat (quod sæpè vidi) infoelicior. *N.* Verbo edicas velim.

## CAP. I.

QVIS PRIMVS AQVAS INGRE-  
diendi modus?

H Vnc enim didicisse, sæpè multumque exoptauī. *G.* Imperiti, placido aqua primò ingrediuntur Gradu. Peritiores verò; varijs sese modis, eisque non inuenustis fluento corpora sua concredunt. *N.* Quibus quæso? *G.* Recentiores simul ac audaciores qui sunt, absurdè hi insultant erecto corpore, pedibus perpendiculariter fundum affectantibus:

E

Vti-

Vti præsens vides:



Ingressuri quidam lento gradu gradientes Corpora extendentes si-  
mul manusque procumbunt. Vt planè oculos anteponam tuos.






## DE ARTE NATANDI

Peritorum alij, dextra in collū iniecta, alij manibus vtrisque: festinanti gradu amnis marginē accelerātes facie prona, calcibus verò supinè circulātibus, dorso eorū aquas verberātibus: hocque omninò habitu a ripa ferocicursu auolantes, primò fluctus ingeruntur, In hunc modum.



Alij decurrentes decidunt in latus dextrum vel sinistrum  
Hæc vt demonstratio docet:





## DE ARTE NATANDI

Alij, iisdemque optimè vti saltantes solent, motu exultanti marginem ripæ accurrunt, eadēque sublimi agitatione elati, proiectis ante inis pedibus, corpore erecto, sic vt nates ac posteriora tybiarum, primò simulque, summa aquarum contingant : hic mos est facillimus, tutissimus longèque omnium est optimus : cuius, Hoc cape exemplum.





*N.* Nulla harum, (quod video) insultationū, est aut indecora aut incommoda, nisi hoc vnum accedat detrimentum : scilicet dum turbulenta hæc in aquas submersione profundius paulò subsiliant, aquæ per aures naresque meare queant. *G.* Minimè quidem, saltem spiritum subtus si retineant. Quidam (quod vitio vertitur) imperitiores etsi aqua valdè sit profunda, ad fundum tamen, semel immersi descendunt. Quod & corpori fundum tangenti, & spiritui diutius aquis suppresso, est ingrātū. *N.* Quod huic malo remedium est? *G.* Quàm primum aquas contingat, descensionem mutet in conuersionem supinam. Vbi enim primum incipit conuersio; ibi desinit descensio recta, *N.* Ingrediendi varietatem artificiosè callens, orationi vestræ mōres nostros consonare velim: aquas contingere simul ac natare multum cupio. *G.* Ergo dum recens est hic ardor statque tibi sententia constans minimèq; trepida, ingredi nunc ad me : potis si es, satis animosè hâc atque illâc perflue. *N.* Dictum ac factum : oh, oh, ohe. *G.* Quid est? *N.* Oculisquæ modò placida fuit, teneræ nunc cuti nostræ aqua hæc quàm rigida & frigida sit? *G.* Ita hodiè opinione auguratus es. *N.* Nec est opinio maior veritate. *G.* Verè vis dicam in causa quod est? *N.* Ita pòl quidem. *G.* Id sit præ desuetudine, omni quæ tyroni multum est inimica: assuefacto tibi, hæc oblectatio magis erit familiaris, *N.* Ita spero quidem. *G.* Quocunque tamè aquas tentaueris die, prima coitio est acerrima: eam fortiter si sustinueris, postea vt lubet, ludas licet sine periculo. *N.* Introitu satis auspicato video me huc prouolasse Discere iam multum cupio & dinosse, Quis sit

## CAP. 2.

## PRIMVS NATANDI GRADVS.

*G.* POSTQUAM, vt prædixi, vel familiaris tuus natandi peritus, vel baculus manu tua prehensus, tanquam dux viæ profunditatis aquarum te certiorē reddiderit: exinde natationi practicæ te ipsum accommodes. *N.* Id quī sit? quisque modus agendi? aut quæ incipiendi ratio? *O.* Principio lentus lento amne discumbito: ventre deorsum, facie cœlum spectante, capite colloque erecto; dorso præ extensione pectoris incuruato, tybijs a fundo eleuatis, & proiectione vnâ expansis : deinde manibus pretenfis extensisque sineque extensionis expansis: vicissimque ad thoracem vsque attractis, natare sedulò ac animè contendas, primò pedibus, dein manibus, toties quoties commodè poteris proficere pergito In hunc modum:

DE ATRE NATANDI





**N.** Ratio lepidâ videtur, & perfacilis. **G.** Audi parum, dum te moneam, sicut soleo monere meos. Dum aquæ sint tibi certò certius notæ ac prius perlustratæ, ne timeas ab aquis, neu decumbere vereare. **N.** Haud equidem hæsito ecce autem nonne me totum immersum sensisti? nonne multum mouentem promouentem nihil? **G.** Quid ergo? **N.** Opinor equidem, ad hanc facultatem capescendam, me prorsus ineptum esse. **G.** Toto flumine erras. Tute enim quæ heri edixerim, & acutè intellexisse, & animosè tentauisse, & artificiosè perfecisse visus es. sed ne nimia difficultate initio territus. Quod & ars ipsa natandi postulat, & tua imperitia, & aquis minus afflueta, tenera tua tremulaq; cutis: Primum tibi in amne hoc practicè demonstrabo, quid illud est quod scire & tenere, auide concupiueris, quo studio, qua industria, quibus modis cõparandû: Dein binis horis in die, exiguis rebus multû animo oblectationis ministrantibus, tibi cû vacuerit, præsens adero. Quotidie sistès isthic locorum in amne; hac si placet hora: subleuando, docèdo mouèdo instituendo, denique manibus, pedibusque demonstrando. Donec huius artis fastigium summum transcenderis, luculentur te quidem, & verè practicè edocuet. Interim (quod tuum est) primum natandi gradum tentasti, & tentasse non pigebit. **N.** Difficillior multum ratio est, quam opinabar, & ego ad agendum paulo sum inæprior. **G.** Difficilè quisque de se sentit, maximèque ingenijs vereque nobilibus, similes nisi succedant actiones, omnino quæ sunt, contaminandas sentiunt. Discentem oportet credere, tuque credas, quod astans ego vidi. **N.** Quid ergo vidisti. **G.** Etsi tute tibi minime, mihi tamen natâre maximè idque maxima cum agillitate visus es. Sed quòd primo incipienti, aqua plerumque videri solet asperior, tute rutum ripam scande, vestitusque aut togatus saltem, inde, hæc omnia, quæ claro sermone vsurpauì, oculis. Dicto simul ac factò demonstrata conspicare. **N.** Placet mutatio loci. **G.** Quid tam propere perperasti? **N.** Aer aquis, quàm multò est clementior: Iam quousque & quam diu libet, hanc mihi artem explicari velim & demonstrari. **G.** Ita faciam, tu modò oculos animumque aduertito. Quique hanc viam ingressus est, primò procumbens, facile immergitur attrahensque spiritum (quod omnes solent imperiti) aquis suffocatur. Qua quidem principij difficultate quod multi perterriti, vna die aquis salue, atque vale dicunt: Incipienti simul ac imperito, subleuamina supponere solemus. Hinc alij mento eorum, manu alterius subleuato: alij viminibus iuncisque thoraci contextè suppositis: alij distentè inflatis vesicis. (Quæ omnium est rationum facillima ac probatissima) natâre incipiunt. Prouideat incipiens, ne aquæ sint mamillis altiores, neu clunibus inferiores; Paucis postquam extensionibus natâre didicisti, cauene in locum mamillis profundiorè sis prolapsus, neu peritior tandè, præ multiplici subsequente discrimine, ignotis vitam credas aquis. **N.** Ventre natâre partim didici, vna cum periculis adiunctis: Sed cum hæc euitari nullo modo possunt nisi corpora reflectamus, hoc scire velim.

## CAP. 3.

QVOMODO INTER NATANDVM EST REVER-  
rendum?

**G.** **N**OSTU natis (vt docent χῆ ἱπυδντικοί) dextera fauet: Die vero sinistra. Qui dextera sæpius vtuntur, ij vltima extensione enm reuerti conantur, per palmæ dextræ in dextrum latus extensiuam declinationem, palmæque sinistræ (è regione aquas retractantis) attractationem, in sinistram vertuntur capite vna colloque & totius corporis habitudine similiter in sinistram inclinatis, in dextram qui reuerti vult, idem faciat omnino è contrario. Sic.



DE ATRE NATANDI



1. The first part of the paper is devoted to the study of the properties of the function  $f(x)$  defined by the equation

*N.* Huic quis proxime gradus est successiuus? *G.* Scilicet,

## CAP. 6.

## FACIE NATARE SUPINA.

*N.* **A**Rdua multum ac difficilis, supina natatio videtur retinens naturæ. *G.* Pulcherrima illa quidem, facillima, tutissima, naturæ humanæ cōiunctissima. Cum enim canit poeta: Os homini sublime natura dedit, & erectos ad sydera tollere vultus: hinc elucet, tot repente in aquis periclitantium & plærumque pereuntium causa vnica; quia cōtra naturam, aquas brachijs complicantes, fundum deorsum contententes affectant quod si in dorsum eo tum casu sese reponere scirent, erectoque corpore contendere, non submergerentur, etsi maxime velint, id docet experientia frequens. Quos enim omnium peritissimos submerfos viderim, eorum neminem vnquam facie supina (etsi maximè contenderent) nisi de industria erigerent brachia simul perpendiculariter, contractoque thorace, quantū possent in altū eijciendo perseuerarent. Et tamen hoc sensim fit, maximaque cum difficultate, pedibus primò fundum contingentibus. *N.* Supinæ natationis modum ediscere cupio. *G.* Hic modus hæc via compendiaria esto. Erectus sistēs in amne, sensim lentoque relapsu, facie supina, lymphæ retrorsum inclines, pectore in superficie aquarum tumescente, toto corpore à capite ad calcem, linealiter erecto, expansis colligatisque successiuè & lateraliter vtrinque tibijs, non plus binis a summa aquarum regione pedibus hisce ita compositis quiescente supra pudenda vtraque manu) cursum dirigat retrorsum. *N.* Nonne caput, dum sic natamus, pene totum immergitur? *G.* Multum quidem aquis occultatur. Itaque tenero qui sunt capite, horrent multum ab hoc optimo tutissimoque natandi genere. *N.* Optimum hoc est & tutissimū? *G.* Imo vero ac tutissimum: nam facillimè dorso natatur, diutissimèque, nec toties supinū aquas inuiti sorbemus, quoties dum ventre natatur, tum si fluctus sint, aut gurgites vasti, caput fluctū frangit, pellitque vtrinque si malis etiam amnis abūdet graminibus, alteque surgentibus (quæ natandi malū haud mediocriter minitantur (dorso tutius natatur quam ventre. *N.* Hanc ego rationem, callere malim, potius quam audire. *G.* Initio etsi videtur tibi difficillior paulo, aut inusitatio, astipulantis manus adminiculo, si arundinum straminis, ligni iunci, seu (quod maximè probo) vesicarum supositione vtare sicq; lento motu, retro decumbendū in hunc modum.



DE ATRE NATANDI





Caveat natate incipiens, ne sese furtim subleuare conetur, altero fundum pede contingente: hoc enim timidi animi est, & seipsum fallentis neq; erigat multum genua, aut lumbos deprimat omnino, sed extento linealiter toto homine, liquidò retrocedat & animosè. Reuertere si velit (dum imperitior est) circumnatet: sin recentis nomen & rationes horreat, vna quiescente tibia, alia aquas lateraliter complicante, in complicantis tibie latus (siue dextrum illud sit siue sinistrum) artificiosè reuertitur. Item circumvolutionem apprimè tenere debet, ad euitationem imminentium periculorum: scilicet lintrium, arundinum, riparum aut occurrentium quorumque: quæ si inopinatò eueniant, nisi valdè animosus sit gnarusque natandi; actum est, illicet, perijt, ad hæc malà euitanda, multæ etiam aliæ vsu veniunt, conuersiones, inusitatiores scilicet & difficili-ores, sed quæ liberum decent & sunt valdè salutare. *N.* Neque istas, me celare velis. *G.* In aquis dum sim, hac atq; illac liberè fluo, eoq; faciliùs ac liberiùs fluet oratio nostra; siquidè venustates istæ atq; reflexiones, mihi multò maximè solent esse iucundissimæ. *N.* Quæso hac me particeps iucunditate, harum varietatem demonstrans, dum edicas. *G.* Quas edicturus sum, harum prima dicitur,

## CAP. 5.

## TROPICA EXPEDITA.

**P**Rocedens à dextris ad sinistras, & è regione: sitq; simili manus oppositæ declinatione, corporisque ac capitis inclinatione, comitante simul tibiarum complicata circumvolusione, eodem prorsus modo, atq; prius vsitata conuersio facta est, nisi quòd repente hæc reuocat pronatantem, idq; agilitate expedita, quæ non nisi summa agilitate imbutis contingit. *N.* Hæc, qui sit, tantillo temporis, ac, vt dixi, momento? *G.* Non vt communis conuersio, dum circumgyramus lateraliter, sed si in sinistrum, expeditè reuerti volumus, id actutum fit, pollice dextro fundum spectante palma conuexe prætensa, aquasque anteriores lateraliter abdicante, sinistra verò aquas plana palma, digitisq; copulatis, retro inuolvente, vnda attrahente, idq; corpore, vultuq; subito retractis in sinistram: Sin in dexteram expeditè reuerti volueris, eadem omnia è contra, eodem prorsus modo, & ordine sunt peragenda, præsens vt monstrat figura.

DE ARTE NATANDI



*N.* Huius conuersionis quis est vsus? *G.* Repentinis periculis euitandis maximus: scilicet si festinanter in nos, siue naues aduolent, siue lintres, siue nobiscum haud mediocri cum periculo leones, vrsæ, canesue færoces, in aquis colluctentur siue alia quæcunque repentina pericula nos violenter affectent, hac vnica conuersione, quasi digitulo facile declinantur omnia, præterea si periclitanti in aquis, opem ferre conemur, hac conuersione & commodissimè id fit, & minimo cum periculo. Caueat huic conuersioni deditus, ne aquæ sint nimis raræ, neu tibijs seiunctis hanc tentet. Illud enim tibijs, hoc spinæ dorsi nimium est inimicum. Hac non venustior multò, sed multò etiam salutarior,

## CAP. 6.

## CONVERSIO CAMPANALIS.

*N.* **Q**uæ illa est campanalis, quidue ita dicta fuit? *G.* Quia omni latitudinis discrimine semoto prorsus & neglecto, sicut campanæ, dum pulsantur, sic hac conuersione vsus, ventre si natet, subito attractis pedibus, simulque anterioriùs proiectis, facie supina renatat, é contra si supine natet, perpendiculariter conuersis extensisq; tibijs pone, ventre natans illico, cursu quo priùs, procedit contrario.



5 N. Id qui fit? G. Ventre si nates, simul contrahens pedes, & contractos contrario modo eiciens, poné etiam expansis manibus, aquas atrahe retrocidens ac vna supinus natans. Sic.



Dorso verò natans, contrahit subito ad nates pedes tuos, ac ponit (aut fundum versus) proiectis illis, exultans, ac animose corpus erigens, prona facie natat contendito. *N.* Quis usus huius est? *G.* Scilicet in angusto aquarum sinu, contractoque curriculo, sine tædio aut offensione pedis contra ripas, reuertamur. Caueat tamen fundus ut sit satis profundus, præcipuè verò graminibus lutoque vacuus. *N.* Non potes lenti caricis fundiue aut mali graminis periculum, vera vi natandi superare? *G.* Quam multi peritissimè natantes & generocissimè in festis graminū ligamentis & lutofo fundo hærentes, perièrunt. Itaque fortiter natantes idque agilitate animosa, aliam fræquentant conuolutionem, quæ dicitur,

## CAP. 7.

## CIRCVMVOLVTIO.

*N.* **Q**uam ratione fit circumvolutio? *G.* Dum natamus extento ut solèt corpore, circū volumus nosmet facie habitumque corporis reliquo, superius, inferius, dextrè sinistrèque, successiue multoties (& axis instar cum integro globo) circumuoluti. Quam quidè rationem, gestu citius luculentiùsque, quam verbis explanare potero. *N.* Attamen uti capisti, iam lucida prius oratione, dein praxi mihi eam demonstrates sensibili. *G.* A sinistris circumuolutionem inchoans, postrema dnum ventre natat, extensione, brachiū manumque dextrā (aqua palma vna deprimens) quoad potest antèrius extēdat, vultu, pectore, habitumque corporis per sinistrū supinè cumductis, tibiam sinistrā suppressens, dextrā eleuans, summaque aquarum, à sinisteris dexterā versus efferens, sæpius circumuolutus, vel à dextris ad sinistrā, vel à sinistris, ad dextram contradictoriam scilicet manus dextræ, & pedis dextri, contraque extensionem scilicet manus dextræ, pedis verò dextri elationē, ad vel supra summā aquarū. Exempli gratia: ut bene, bis dictum esto, a ventre voluturus ad dorsum, extendens dextram, extrema extensione, aquasque anteriores declinante, per sinistrā faciē eleuans, supino ut natet vultu, eleuat tybiam dextrā, vnaque circumactus deprimat sinistram; quò sepius & cæliùs, hoc modo lepidè ludere tibi lubeat, eò propinquius tibiæ coeant, manusque ante pectus expansæ huncque motum expedites, non longè sint semotæ, in hunc modum.





*N.* Numquis eius vsus est? *G.* Frequens admodum quia dorso natantes hac sæpissimè vtuntur vt præuideant & etiam dū cumulos stramineos, aut superficiem sordidam, à sentinis profluētem, vitare cupimus, aut culices circum glomerantes, hoc aquarum pulsu liquido abigimus. quod si natantibus nobis talium circa fluentium, aut circa volitantium copia sit infesta, eo casu vtendum est,

CAP. 16.

PERCVSSIONE QUADRI-  
partita,

*N.* Vnde dicitur quadripartita? *G.* Quia aquas verberamus quatuor partibus corporis successiue, & velociter agitantibus,  
*N.* Quæ sunt illæ? *G.* manus pedesque, *N.* Omnes eleuamus simul? *G.* minimè sed successiue singulas: 1o. pedem dextrū 2o. manū dextram 3o. pedem sinistrum 4o. manum sinistram. *N.* Quâ agilitate potissimum? *G.* Extento corpore, eleuato pectore, tybijs partim brachijsque omnino planè lateraliter, quoad potes, extentis vti præsens videas.



Hac vtaris rarò, idque aut oblectationis gratia, aut dum nimium condensantur circa faciem tuam, mordaces culices. Efficit enim sonitum sub aquis, capiti multum inimicum. *N.* Nonne possumus


## CAP. 17.

*MANIBVS PEDIBVSQVE SVPINÈ natare.*

*G.* **E**T si manuum decertatio, supinè natantibus plerumq; parum profit, tamen festinanti processu, valdeq; veloci. si contendimus, manibus pedibusq; id agendum est. *N.* Ventre utiq; natantibus vsitatum est & congruum. *G.* Et dorso etiam, cum supina pronatio celerior sit, prona, hacq; supina contentio, est velocissima. *N.* Vnde supinè natanti manuum prima oritur motio? *G.* Eijciendæ sunt manus retrò, caput pone eademq; dum extenduntur, penè contingentes, palmis aures, dum eijciuntur spectantibus, vltima verò extensionis huius extremitate: (conuersis exterius palmis) brachia eodem modo expandendo, contrahendoq; simul: pedibus solito more contendentibus, proficere contendat, in hanc formam.



DE ARTE NATANDI



Hujus vsus est : contra veloces fluctus procedere ac progredi, maximeq; omnium, succedenti natandi facilitati est dissentanea. *N.* Quam tute eam appellas. *G.* Multoties dicitur

## CAP. 18.

## RETROGRADATIO.

**E**A fit dum dorso natantes, eodem prorsus modo, extenti iacentes & supini, regredimur, calcibus præcedentibus, sequente vltima linea capite. *N.* Verbis iam perspicuis eam mihi indicasti, oculis itidem intueri velim. *G.* E verbis meis modus positionis & retrogradationis elucet; sed habitus tamen natantis, & artificium agendi adhuc latet. *N.* Quin, si placet pateat illicò. *G.* Hoc more qui pergunt retrogrado, ij jacent supini, corpore extento, petore tumefcente, adeò vt præ tumore isthoc, dorsum inter scapulas sit concauum, manibus secretiora tegentibus, tibijs alternatim super aquas eleuatis, sicque successiue rursum depreßis, vt postquam aquarum superficiem attingant, fortiter poplites versus attractæ, nos alterius protrahant. Hisce oculis vt videre licet,






*N.* Necessestatis quæso an elegantix soluis gratiâ, recessu utimur retrogrado? *G.* Vtriusque. Recessus, scilicet quando profundis ac spaciosis pontis natantes longè a ripa distantes vnaque lassæ ac natandi tadio confecti, hac facilitate nos subleuare solemus sine fundo, sine alterius adminiculo sine omni molestia quæ oblectationis & iam pars non minima censeretur debet, & tamen rariori fluminum processu summis aquarum retrogradi colludentes, nobis iucundè quidem ac lepidè placere solemus, huius dissimilis est.

## CAP. 6.

## CVBATVS VERSATILIS,

*N.* QVæ est differentia inter Circumuolutionem & cubatum, versatilem? *G.* Et si eandem formam magna ex parte referant tamen si penitiùs vtramque agilitatem inspiciamus, illa motionem, hæc quietem ac positionem lepidam potius denotat exempli gratia illa circumuoluti corpus celeriter idque multoties, tibiam aquis efferendo, & cum percussione deponendo. Hanc dum frequentamus, iacemus supini extenti, vlnis lateribus applicatis, laceris a corpore rectâ eiectis, tybijs interstitio pedali sciuctis planta pedum spectante fundum sic decumbentes nunc dextrum latus, illico sinistram summis aquarum toties quoties, ostendimus, obseruato, dum dextram erigimus extēdimus lateraliter dextram manum pedesque parum deprimimus, sinistram verò manum pedemque ad nos attrahimus,

DE AYRE NATANDI  
Vti iam occulatus testari potes.



*N.* Quis huius vsus est? *G.* Frequens admodum & per vtilis. siquidem supinus natans multoties periclitatur, vel in locos arundinosos, uel contra ripam, vel alia pericula occurrentia, nisi circumuolutionem commodè calleat. Caueat hac fretus ne densa mali graminis filua eandem sapius experiatur, ne irretitus, tandem, vix aut ne vix, aquis excedat saluus. *N.* Quid si pronatando, paulò longius finis prouecti, & in aquas densis graminibus altisque scaturientes? *G.* Tunc, si natantes vna & exire liberè & tuto circumspicere velint, sequentis agillitatis, sint periti, quæ dicitur

## CAP. 8.

## CIRCVLASIO.

**I**Nde dicta, quod sicut prior pes circini manet immotus, circumlum dum designamus in plano, alter vero circumducitur donec vnde orsus primo est, in eodem terminetur puncto: ita quidem & circulationem inter natandum frequentantes, tybijs aquas pulsantibus, circum circa querantur, capite manente in medio centrûque designante. Huic agendæ quis primus modus? *G.* Dorso, vt supini solent natante iacemus: si à dextris circulari vis sinistram versus, parum deprime sinistrum latus tuum fûndum versus, dein tibijs vtrisque primò leua deinde dextra eisdemque alternatim ac successiue aquis elatis sinistrumque versus singulis elationibus longitudine pedis vnus pergentibus, capite immoto, & in centro quiescente eleganter fit cir circulatio, spumantem circumferentiam aquis designans:



DE ATRÆ NATANDI  
præsens tibi vt dabit exemplum:




*N.* Num nobis vsui circulatio esse queat? *G.* Imo maximo & frequenti præsertim, si amnis superficies, vel spumante putredine, vel stipilosa materia, aut alia immunditia quacunque, quæ natantis capiti ceruicique adhærere solent & officere, circulatio ea omnia abigit ilicò, perspicuumq; oculis reuelat amnem. Hac summis colludens in aquis, caueat ne nimis altè pedes in aerem ostendat caput enim inmergitur: aut nimis ferociter pulset fluctus tibijs, sonitum enim magnum reddit in aquis capitis dolorem ilicò ministrantem. Ad hoc verò malum euitandum, sequens. Circumdutio est aptissima, scilicet

## CAP. 9.

## CONVERGIO PERPENDICVLARIS.

**E**A dicitur perpendicularis, cum erecti, in aquis stantes, adhuc corpore, capiteque perpendiculariter erectis, vndique astantes circumspicimus, alloquimurque simul magna cum gratia ac facilitate? *N.* Hanc mihi commonstrari velim. *G.* Profundo iam loco erectè stantem me vides? *N.* Video. *G.* Sed pedes subtus tibiasque mouentes? *N.* Sic. *G.* Si à dextris ordiri velis, inuoluta, primò per dextri pedis plantam digitosque agiles aqua, dein eodem prorsus modo successiue per sinistri, inclinanda est tibi in sinistrā habitudo corporis tota ac dispositio manibus denique enixè aquæ sunt attrahendæ & abdicandæ inuolutè: sinistra primò attrahente, dextra dein successiue recipiente, repellenteque:

DE ARTE NATANDI  
præfens vt explanabo.






Huius quot sint commoditates vide. Dum ignotis natamus fluctibus aut vasto (ita si superis visum est) mari, huius periti, erigimus caput vastos super gurgites, circumspicimus vbi proximus, vbi tutissimus littoris aggrediendi locus inimicorum. Præterea violentis manibus elapsi, fugientes nos ad aquas, si insequantur afflicti. quæ vel saxis, vel sagittis, vel alijs missilibus: hac freti perpendiculari, & vnde veniant, & quomodo euitentur, facillimè in ictu oculi exploratum habeamus; Etiam si vel cum homine, vel bestia in aquis sistenti tibi, decertatio contingat, hoc modo erectus, liquidò fortiterq; dimicare poteris. Cauendum, ne lutosus subsit fundus, vitæ periculum minitans. His conuersionibus multæ aliæ succedunt, lapidæ illæ quidem & non inuenustæ natandi agilitates, facilitatesque, quæ non nisi natandi peritis eisdemq; omnino generoso planè animo celsoque imbutis contingunt, quas qui dextrè callet, omnesque clara quasi luce præsens ad placitum ante oculos ponere, hunc NEPTVNI pronepotem, ponti ducem appellant & pleno quasi ore laudare nunquam desinant. *N.* Quænam illæ sunt festiuitates, elegantius natantium? *G.* Et prædictæ conuersiones, & multæ aliæ his quasi successiuè. *N.* Omnes non vno verbo potes edicere, nec omnia possumus omnes: Omnium tamen illarum, primam & audire & videre desidero,

## CAP. 10.

PRONATARE PALMIS CON-  
*iunctis.*

Primum tenet gradum, quia natationi simplici, pronoque est coniunctissima. Hac freti inter natandum, carpum vtrunque palmis simul applicatis, ad pectus vsque contrahunt. Dein extendunt manus palmis sibi inuicem applicatis, pollice vtroque erecto, summis digitorum partim rectè tendentibus vsque dum summa suprâ aquarum, compareant.

DE ARTE NATANDI  
Vti è demonstratione presenti discas.



*N.* Huius nunquis vsus est? an solius oblectamēti gratia eadem utamur? *G.* Præterquā quod elegans natandi ratio sit, si fortè cumulus straminis nobis inter natandum occurrat, qui molestiam periculumque sæpè infert) hæc acuta manuum extensio eundem penetrat illicò, & vtrinque dissipat. In locum etiam arundinosum delatis eodē modo opem fert, & egrediendi facilitatem: præsertim si caueat ne nimis latè manus dissipet, hoc discrimine afflicta. Neque inelegans illa ratio est, proximo quæ sequitur gradu scilicet


## CAP. II.

NATARE NEQVE VENTRE NEQVE  
dorso.

*N.* Neque ventre neque dorso? hanc natationem videre velim. *G.* Sic natans procedit, humero, brachio, crure, tybiaque siue dextris, siue sinistris, dextrè aut sinistrè erectis, & summis aquarum contiguis. *N.* Quomodo? *G.* Dorso vel ventre natans vna deprime sinistram, erige verò dextrum latus natans idque extentus. Sic dum iaces sinistra manus extensionem frequentet non dilatando motum aut deprimendo sese fundum versus sed recta quasi linea extendendo, ac contrahendo summis aquarum parallellica.



DE ARTE NATANDI  
in hunc modum.



*N.* Huius quæ est commoditas? Præter animi oblectationem quam inde latere natans capis alter vtram ripam si sic occasio feret, pronatando semper aspiciet, altera, manu pedeque quiescente *N.* nonne est possibile quempiam

## CAP. 12.

*VENTISE NATARE VTRAQVE MANU quiescente?*

*G.* **V**Tique fit facillimè. *N.* Quæ hæc est facilitas, & quo exemplo mihi indicas? *G.* Thorace extento antèrius, collo aquis erecto, manibus collo ponè sub occipite injectis siue dorso retrorsum complicatis tybijs pedibusque promouentibus, vt solent dum ventre simpliciter natatur,





*N.* Quem ad finem sic solemus natare ? *G.* Scilicet si spasmsus fortè nos malè cæperit, aut si fortè catenis vinctis retrorsum manibus: aquas tentare cogimur in vitæ discrimine. *N.* Nonne id dorso fit multò citiùs ac faciliùs ? *G.* Non tam commodè, quia ventre natans viam præuidet, lustratq; oculis: dorso verò natans, nisi conuersione vsus, minime: Præterea si natando nobis lacerti sint fatigati: quò faciliùs hoc casu fluctibus emergamus, solemus ventre natantes

## CAP. 13.

*PEDEM SINISTRVM MANV DEX-*  
*tra portare,*

*N.* **V**arietas multùm discentem delectat, & isthæc ratio non potest non esse placidissima. Iucunda illa quidem, & inter natandum vsitatio fitque si dum ventre natans, pedem sinistrum eleuando, nates versùs contrahimus, manum vnà dextram, super nates retrorsum extendamus, pedemque sinistrum comprehendamus, retineamusque, continuata prouocatione sub manu sinistra, dextroque pede actiua vice versa, contra etiam fit,

DE ARTE NATANDE

Præfens ut videbis:



Hæc agilitas contra spasimum multum utilis est, ac salutaris, præcipuè verò, si alter pedum sinuosis, graminibus sit implicitus, huic varietati additus, faciliùs tutiùsq; mala gramina manu effringere & dimouere poterit. Quòd si gramina à fundo surgentia, spissiora fuerint & natanti infesta, natandi varietate est vtendum, & tē-  
tandum vtrique


## CAP. 14.

*CANIS INSTAR NATARE.*

**D**ifficilem hanc viam opinari noli, siquidem multi, antequam ventre natare primò didicere, ad hanc quadrupedalem pro-  
lapsionem, in seip̃ panè incidunt, & sese in sublimi flumine efferre solent. *N.* Nulla istarum audita mihi, aut visa est, natandi varietatum: itaque pergas præcor, & hanc & reliquas quotquot illæ sint demonstrare. *G.* Hanc calles rationem, si modice eleuans depri-  
mensque vtramq; manum vicissim, similiterque pedes: illis flus-  
tus attrahentibus, hisce verò abdicantibus profilias: dextraque manu, pedeque dextro primò, dein manu pedéque sinistris alter-  
natim succedentibus:



DE ARTE NATANDI  
Vti jam demonstrans planè ante oculos ponam.



Hoc motu elati, tutius gramineam nociua siluâ exedimus his incō-  
mo dis, ventre dum natamus, sic evitatis, sequuntur, aliæ plures &  
faciliores, & expeditiores supinè dum natamus frequentandæ. Qua-  
rum prima, lepida quidem illa & quasi triumphans dicitur


## CAP. 15.

## AQVARVM PERCVSSIO.

**N.** **M**Anu an tibia percutimus aquas? *G.* Tybia dextra & sinistra  
eademque elegans ratio est & iocularis, fit hæc plarum-  
que cum dorso eleganter natantes, singulis pænè extensionibus e-  
leuata altius minusue tibia) verberantur fluctus, & rorantes in al-  
tum sullæ concitantur. Elegantiùs hanc rationem exprimentes, sin-  
gulis extentionibus procedunt, mento ad pectus depresso. Quod si  
generosius id facitare studeant, elatius tunc singulis extensionibus  
succedunt singulæ percussiones aquarum, vel sinistra vel dextra,  
vna cum circum volutione totius corporis. *N.* Pulchra hæc qui-  
dem ratio est & omnium quas enarraſti generosiſſima itaque hanc  
videre ardeo *G.* Hanc dum exercere velis & perficere, iaceas su-  
pinus in aquis corpore extento tibijſque tumefcente pectore &  
quasi eleuato, manus vtriusque palma plana, fundum verſus aquas  
deprimente, corpusque (dum pedes eiſciuntur) inuolutis aquis par-  
tim ſubleuante. Sed ſi cum verbere aquarum vna circumuoluere  
velis, tunc, ſi dextera aquis tibia ſit elata, eandem repentino motu  
deprimas eleuando eodem momento ſiniſtram totum corpus ea-  
dem vnica actione circumuolutioni confirmando:

DE ARTE NATANDI

euidenter vt tibi elucebit ex demonstratione isthac.





Hæc agilitas etiam facilitatem natandi magnam parit, nec tantam contentionem postulat atque

## CAP. 20.

## VNIVS PEDIS COLLVSIO.

*N.* **F**acilitates istæ & natandi lepores, vt plurimum voluptati, nō necessitati inferuire videntur. *G.* Imo nulla harū est, quæ si pericula eueniant, (vt solent inter natandum plurima) non minorem vsum arduis propellendis quàm voluptatem lepidè ludenti ministrant; itaque eò gratior ea ratio tibi videri debet quia miscuit vtile dulci. Hæc enim (de qua verba sum facturus) vnus pedis collusio, etsi natanti amœnitatem multam ministrare videtur, quod hac inter nataudum freti celso anno prosilire videntur & quasi triumphantes, habet tamen suum destinatum vsum & commoditatem perpetuò successiuam, vti & verbo & exemplo aperiam. Hanc affectantes dum procedimus, eleuatam nunc dextra nunc sinistra tibia pedeque in processu, quasi triumphantes circū voluimur eam ter quaterue in aere circumductam, vna generoso vultu contractoque in collum mento, spectantes. *N.* Lepida hæc quidem collusio videtur & perfacilis. *G.* Imo multum difficilis nisi enim imprimis tumescente pectore, palmis planis, fundumque versus depressis altera tibia aquas vna premente: hæc quæ omnia comitetur generosus sese subleuantis animus, dum tibia eleuatur, caput aquis immergitur difficilis hæc quidem agilitas, sed pulchra & quæ infestis graminibus pedibus, siue molestia, discutiendis summo opere conuenit.

DE ARTE NATANDI

Vti præcius conspicis.



qua quidem difficultate territus, ne medio cursu desistas : huic expediundæ facilius, sequitur ratio non inuenusta.

## CAP. 21.

## PEDVM OSTENSIO.

*N.* **V**trisque pedibus summis aquarum elatis, potis est quispian intacto fundo persistere. *G.* Vsitatum id quidem est & perfacile, nec sistere inodò, verum & commonstratis amobus pedibus pronatare. *N.* Hanc mihi cedò viam. *G.* Huius appetens jacet supinus, (cuius contrarium in cæteris pedum ostentionibus factitatum est) dorsum deorsum incuruet manibus remotum more, super ventrem, dum contrahantur ac dilatantur planis palmis, per involutionem aquarum corpus subleuantibus, eleuatis pedibus supra aquarum summa,


K 3

clara



DE ARTE NATANDI

clara vt iam luce tibi lucet.



*N.* Huius vsum aliquem quando reperisti? *G.* Postquam natauimus, præstito spatio, hac freti : videre licet fixisque oculis cernere, num pedes satis mundi, satis candidi, satis denique loti, etiam si in profundissimum locum sinus prolapsi. *N.* Quantum auguror coniectura, plures sunt pedum, quam capitis agilitates. *G.* Et mari terraque æquum esse censemus vt pedes sepius agitentur quam caput, vbi fixum est consilij domicilium, & tamen si iam à calce ad caput transcendat oratio nostra, vnā facilitatem longè omnium excellentissimā capiti propriam ac peculiarem videbimus : ea dicitur


## CAP. 22.

## MENTI SUSPENSIO.

*N.* **M**enti suspensionem, tacitus dum mecum diuinare studeo, mente omnino suspensus hæreo. *G.* Ne graueris si mente te suspensum detineam, dum menti suspensionem videas : sicut enim caput sublimi loco nitens, cæteris corporis partibus est eminentius : ita quidem hæc facilitas, cæteris omnibus superior multo, & si artificiosè teneatur, facile superat ipsam artem. Siquidem huius peritus, etiam in profundissimis aquis non mouens omnino stat erectus, aquis minime immersus. Itaque cætera argumenta si essent obscura, tamen hæc vnica facilitas docet manifestè : natura hominem natationi aptam scilicet si erectos ad sydera efferat vultus. *N.* Quibus vijs & modis, hæc efficitur? *G.* Dorso dum natamus, vltimò extensis expansisque tibijs quiescimus, sic iacentes Dein, dum expansæ, vt prius tibiæ descendunt vnā, cum perpendiculariter fundo appropinquant, contrahendi sunt pedes, genua versus, pectus tumide efferendum, brachia (manus vtriusq; dorso, dorso tuo affixo, idq; humeros versus) vel contrahenda, vel lateraliter vtrinq; rectèq; eijcienda, manuum palmis planis, digitisque coniunctis, secundum spectantibus, mento quantum potes ipsum Zenith salutante:

# DE ARTE NATANDI

Vti vides:





*N.* Mirifica hæc quidem ratio est. *G.* Et tempore etiam utilis. *N.* Quo tempore? *G.* Dum summo frigore summa glacie peregrinamur si forte lubrica subtus giacies perrumpitur, hoc vnicum remedium, periculi evitandi necessitate multa nocte amnem tentare si sis coactus, teque sequantur lintre prouecti & huius tamen agilitatis subleuamine, etiam in profundissimis aquis, immotis fluctibus, nullo sono concitato dum prætereunt inimici, quiete listas, & mox Optata egressus potiaris arena hanc successiue comitatur.

## CAP. 23.

## PRESSIO AQVARVM

**H**Vius beneficio erecti stamus mouemusque in aquis amota omni manuum emixione, idque (verbo vt expediam) fit per circumductionem pedis vtriusque dum circulariter eosdem (vna aquas inuoluentes planta fundum plane spectante exterius vtrique circumducimus;

L

Vi

DE ARTE NATANDI  
Vti patet praesenti demonstratione



*N.* Huius non potest varius non esse vsus. *G.* Dum aquas animosè simul ac artificiosè premimus, facile circumspicere possumus altissimos fluctus superare tormento arcuè sagitare gladio decertare, manuum denique ministerio liberimè perfrui, *Caveat huic ad- dictus* ne rariori flumine lutofo aut malorum graminum pleno eadem frequentet, arduum enim est & periculosum: malo quia gramine tibia nonnunquam erit ligata: quod si contingat illicò affe- ctanda est

## CAP. 24.

## DORSI NATATIO CONTRADICTORIA

**S**ic dicta, quod sicut orationes contradicentes acerrimè & ex di- sametro inter se dissonent: ita & hæc actiuitas è membris con- tradictorio modo sepositis, profluit. *N.* Quæ illa sunt? *G.* Vel ma- nus dextra & pes sinister: vel sinistra manus pes autem dexter. *N.* Quomodo? *G.* Supini dum natamus dextera manu apprehendi- mus pedem sinistrum, & è contra alia tunc temporis tibia eleuata velociter ac depressa,



DE ARTE NATANDI

In hunc modum,



Si gramina tibijs adhærent supini dum natamus, hoc artificio amouentur illicò. Quòd si infausto (vt aiunt) omine malorum graminum supini dum natamus tibiæ utræque simul ligenter, eo tum casu.

## CAP. 25.


## NATATIO CONNEXA.

S Epè multumque opem fert, vitæque tutamen certissimum. *N.* Colligatis simul tibijs & connexis putasne fluctibus nos tutò posse excedere? *G.* Auspicatò quidem. Dum enim ita connectuntur tibiæ, brachia etiam sibi inuicem implicata, pectus super gestamus: Dein extendentes corpus, supini procedimus, utrasque tibias eleuando, vicissimque deprimendo, contrahendoque dum deprimimus, donec ripæ contigui, voti sumus compotes,

L 3

Præ-

DE ARTE NATANDI  
Præfens vti vides.





Ad hanc difficultatem, accedit alia maior multò ac periculofior; scilicet manibus pedibusq; ligatis si quando è carcere, vel puppi, vel aliquocunq; loco in flumen eiectus, hanc callens rationem artificiosam, saluus tandem fluëtibus emergere possis. Huic discrimini cuitando, & similibus, ventre dum natamus, opem fers;

## CAP. 26.

## PROLAPSIO.

*N.* **O**Mnis (quantum ego intelligo) pronatio est prolapsio. *G.* Transumptiuè et sic eo nomine appelletur, tamen hæc propriè verèq; & genuinè ita appellanda est, quia sicut vermes, seu angues prolabentes per partium priorum limosam tenacitatem, posteriora (vnà prolabentes) ad se attrahunt, itidem & huius facilitatis fretus auxilio, è medio densissimorum graminum sensim elabitur, *N.* Quo artificio? *G.* Ventre natans, in hoc casu, proiectis tibijs placidè retrorsum, manibus antrorsum, sed coniunctim vtrisque procedimus. Sic tamen, vt brachia manusq;, quoad possumus longissimè à pectore extendamus: digitis connexis, palmis curuatis fundum spectantibus, his secundum artem sic dispositis, per palmas incurues, & vlnarum vim, aquas ad nos attrahimus anteriores, quæ dum corpus tibiæq; coniunctæ processui vltiori sese lentè & more gracili accommodant, nos è densis graminum syluis saluos sospitèsq; educunt:

DE ARTE NATANDE  
hæc ut demonstratio docet.



## LIBER SECVNDVS.

*Caveant huius experti, ne nimis feruidè & ferociter hoc casu contentant sed placidè placatè animosè; neue manus dilatent multum, neue pedes omninò: ingruet enim periculū prædictum sine dubio, cuius nodosa connexio sine discrimine vitæ (nisi externū adsit auxiliū) nullo modo dissolui potest huic difficultati succedit placida quædam collusio & iucunda*

### CAP. 27.

#### SESSIO CONTRACTA.

**S**iquidem natandi periti, multis modis varioque artificio natantes iacemus ambulamus, stamus, sedemus utique *N.* Quali cathedra sedere soletis natantes. *G.* Lenta quidem & permolli; cuius aream occupanti non opus est puluino, siquidem aquæ natandi perito lectulus, quo decumbet area, qua pedem figat; via qua ambulet; currus quo prouehatur; viridis campus quo se miris modis oblectet; cathedra qua repositus sedeat. *N.* Penè defessus sum ripa diutius perstans doce quæso quomodo aquis sedere queam? *G.* Non id fit erecto corpore sed contracto idque, vtraque manu vtramque tibiam comprehendente tibijs sic detentis, successiuè datis vna depressoque sedulo ad hanc rem aditus tibi clarior ut sit, primò conatum manus per vtrunque latus, per attractionem aquarum depressoque corpus subleuare nitantur: pedes etiam tibijsque eodè modo sed sic ut dum hæc aguntur inferius pedes cōtrahat poplites versus manus vna per genua dimittens, donec pedes prædicto modo apprehendant, teneantque, natans quoad potest, pectore tumido, capiteque prono sedeat:


M

sic



DE ARTE NATANDI

Vti demonstrantem me vides:



Huius hæc est commoditas, quod digitorum iuncturas (quæ post lotionem nonnunquam sunt immundæ) liquidó lauare & alijs nõ videntibus ad voluntatem nudare, præcindere, colere. Hæc etsi minus utilis sit, iucundior tamen est & venustior

## CAP. 29.

## ΤΕΤΡΑΦΑΝΗ.

**Q**uatuor partes corporis supra aquas vno eodemq; tempore ostendens: caput scilicet vlnas genu. *N.* Curiosa hæc videtur agilitas nec breui tempore ediscenda. *G.* Eam experturi vno genu, supra alterum circumflexe eleuato positoq; altera densis vicibus elata depressoque tibia, vtriusq; manus dorso mamillis affixo, vlnis in altum eleuatis, pectore tumido, & quoad fieri potest eleuato, supini colludentes natant,

M 3

Sub

DE ARTE NATANDE

Sub hac forma.





Præter iucunditatem ex hac difficultate enatam, hac vtramq; (præsertim tibiæ alteram) in aquis profundissimis subleuare possumus, vt planè docet

## CAP. 30.

## TIBIÆ ERECTIO.

N. Nonne ostensio pedum, & tibiæ erectio eadem sunt. G. Minimè. Siquidem hæc non fit sine subleuamine alterius tibiæ manuumq; ex vtroq; latere, aquas paulò inferius inuoluentium, deprimentiumque: dein dum altera tibia ad mediam supra aquas erigitur, alia tibia fortiter densèq; aquas inferius deprimit,

M4

Præ

DE ARTE NATANDE  
Præfente vt patet demonstratione.



Hac freti facilitate, vel populum potus aut aliud quippiam digito pedis maiore connexo flumen ad placitum transferre possunt, melius tamen multò & facilius illud efficit

## CAP. 24.

*MANVVM ERECTIO.*

**S**Vpini dum natamus varius ac multiplex est manuum nostrarum vsus: aut enim corpus inter natandum a sorde abluimus, gramina a capite a brachijs â tibijs remouemus, aut nos facile subleuamus, at manum vtramque perpendiculariter erigere multò maxime difficillimum est, simul & natare. *N.* Mihi videtur multis prædictis ratio multò facilior ac magis familiaris. *G.* At cum eriguntur brachia, contrahitur pectus, quo contracto corpus festinanter descendit. Itaque hic latet huius agilitatis opus vt dum brachia erigimus pectus omninò non contrahamus, sed quoad possimus efferamus simul.


N

hos



DE ARTE NATANDI

hoc modo.



Id si artificiosè fortiterque faciamus, vel togam, vel crumenam,  
vel aliud quiduis tutò transportemus Hanc sequitur.


## CAP. 32.

## OCREARVM IMPOSITIO

*N.* Potestne quis ocreatus natare ipsasue inter natandū induere?  
*G.* Natare quidem, sed induere neque potest quisquā, neque  
 aliquando necesse est: quandoquidem in aquis easdem exuere cu-  
 piunt periclitantes. *N.* Quid ergo OCREARVM IMPOSITIONEM  
 appellas? *G.* Non tam propter naturam quam propter formam  
 modumque agendi, similitudinem hominis ocreas induentis refe-  
 rentem, quia elata primò altera ab aquis tibia dein alia successiue  
 vtramque manibus ambabus complectentes, extensue dimittimus  
 sicut ocreas solent induentes. *N.* Quo artificio est hoc tentandum? *G.*  
 Pectore ventreque tumidè elato, extentoque, supra aquas eleuatur,  
 vt inspecta altera tibia depressa celeriter dum altera iam tibi mi-  
 nimè potest esse obscurum.

Na

in





Hæc tibijs abluendis longè solet esse commodissima, graminibus-  
q; abdicandis, huic non multum dissimilis est

## CAP. 33.

*SALTATIO CAPRÆ.*

**S**ic dicta, quia sicut capræ saltantes, motionem pedum sedulò re-  
duplicant: ita hoc pedum in aquis gestu perfuncti, reiterant  
motionem illius generosè, vt solent in corona saltantes dum ex-  
ultant Hæc pedum multiplex vna vice velocq; elatio, non fit sine  
excellenti animi magnitudine corporisq; agilitate neruosa. *N.* Hæc  
si adsint, quomodo tamen ipsam agemus, & in sublimi clarè refe-  
ramus? *G.* Fit pectore tumescente valdè, manibus bis teruè velo-  
citer densisq; vicibus, aquas lateribus subsilientes, conglobantibus,  
deprimentibusq;, sic tamen, vt ter, quateruè densis vicibus depres-  
sis vltima vice parum manus dilatando, fortiter ac profundius so-  
lita, aquas deprimendo, corpore firmiter exultante, tibiae vtrasq;  
ex aquis in altum eicias, duplicatis & reiteratis vicibus earum, id-  
que complexè, vel sigillatim, priusquam in aquas iterum immer-  
gantur.

N;

Testan-

DE ARTE NATANDI  
Testante oculo tuo & planè iam vidente.



Hæc difficillima omnium est, longeq; præclarissima. Hanc rectè si calleas apicem ipsum transcendisti, altius contendere noli, voti cum sis compos, *N.* Nec credo posse, sed dic quæso, nihilne natandi artis, latet sub aquis? *G.* Ea quidem magnam huius artis portionem suo iure sibi vindicat, quia pauci id tentant, præcipuè cum sit comes periculi. *N.* Ne graueris (amicorum nulli secunde) hoc quoq; artificium mihi retexere, & ante oculos, vti cœpisti, expressa demonstratione ponere. *G.* Tua vox, quam egregiè charam semper præ cæteris omnibus habebam, virtusq; generoso pectore tuo, diu multumque nobilitata, me monere visa sunt. Extremo actu ne deficiam. Fac amabo dum quæ restant sub aquis demonstrarem, tu vti cœpisti, veloci oculorum intuitu & perspicaci, motum gestumque nostrum obserues. *N.* Modò vt possim. *G.* Huius primus gradus dicitur

## CAP. 34.

## VRINATIO.

*N.* **O**mnibus hoc vitium est, quòd saxi similes fundum recta petunt. *G.* Vitium quidem est, sed non naturæ. *N.* Arte putasne opus esse vt submergamus? *G.* Aedipol, vt vel artificiosè, vel celeriter, vel decorè, vel sine detrimento. *N.* Quivis facillè demergit sese, vt patet in tot totiesq; ponto pereuntibus. *G.* Imo verò difficulter: exemplum capias è multis, qui dum submergere sese student, diu iacentes proni, & enixè contententes, tantum facies eorum occultatur flumine, occipite & natibus superficie aquarum altioribus: adeò vt astantes, pleno sæpè ore exclament, Virga, virga, opus est virga. *N.* Nequeunt isti in profundum descendere, etsi maximè velint? *G.* Ne quidem acriter contententes itaque hinc elucet: natura hominem natare: cū non potest non nisi violenter submergi: totque indies aquis submersos interire, quòd violenter aquas ad se rapiunt: dum fundum ipsum pertingant, neque id quidem actutum, sed post longam in aquis colluctationem. *N.* Num periti ad fundum, quando & quam primum velint aliquando penetrant. *G.* Hercule, si opus est, sagittæ instar arcu distento emissæ: quodque iacula nequeunt cursum invertere, progredi, regredi, ascendere, descendere, rectè, oblique, mixtè, pro arbitrio suo. *N.* Submersionis modum, primum enarres. *G.* Quam imprimis narraui, ea est vrinatio, fitque erecto in aquis corpore, pedibus arenosum fundum prementibus: sic positus, cum primum submersionem tentare conatur, exultat sursum à fundo contrahens ad pectus mentum & incurvans, Vertice capitis, fundum spectante, inanuū dorsis sibi iuicem plicatis ante caput, eisdem sic coniunctis & in aquas fundum.



## DE ARTE NATANDI

Verfus velociter rectèque detrufis: in defcenfione (dorfo vnus manus alterius dorfum oppofitè fpectante & conglugente) exterius incuruat, dilatentur robultè, hæc; dilatatio furfum tendat partim flectens re: rorſum exempli gratia:



Hæc parit primam submersionis speciem, quæ dicitur

## CAP. 35.


## DESCENSIO PERPENDICVLARIS

**H**anc frequentantes: ab altioribus locis quales sunt virides ripæ Harbores pontes lintres, aut naues priusquã descēdunt in aquas, aere sese attollant quò celerius rectiusque fundum petant. *N.* Qua corporis habitudine? quo gestu ac motu? Sicut sagitta in altum emissã, cum ad sumum peruenit versa reuertitur vice eodem prorsus modo aquas rectè subiturus effert sese, quo rectius caput fundum pronè respiciat idque facillimè si dicto more manus inuicem oppositæ, quàm primum aquas penetrant curuatis exterius palmis sese vtrunque dilatent descendente capite ipsis verò manibus contentione obliqua ascendentibus.

O

Vi

DE ARTE NATANDI  
Vti præsens demonstratio docet.





Huius commoditas magna est in profundissimis areis perscrutandis quas nisi hoc celeris motus beneficio tūcti nullo modo præ defectu spiritus accedere aut attrahere valeamus. Hac rariùs utimur quia maiori sit cum periculo, discriminis verò nullius, maximæ verò voluptatis ac vñs, est sequens

## CAP. 36.

## SVBNATATIO.

**N** Hic ego paulò sum quàm reliquis deditior. *G. Esto. Aquas* postquam prædicto inore immissi simus primò (quod antequam immerginur nobis deliberandum est) vel summa vel media vel infima fluentis regione iam submersi manuum dorso, dorsum contingente, sic applicatas velociter extendamus, pollice fundum indice zenith spectantibus (quo profundius subnatare velis eo altius palmæ manus pollice fundum spectante) exterius sunt torquendæ, dum extenduntur, ac dilatandæ: quo verò altius velimus, subnatare & summæ superficiei propriùs, eo latior palma manuum (sicut ventre solent natantes) esse debent, pollice vtroque sese inuicem salutante palma fundum spectante; medio verò qui natare studet tutissimus pollice vtriusque manus parumper depresso anteriores fluctus ad sese attrahat, attractos etiam retrò propellat) manus incuruatæ sint retrosum, eodem prorsus modo distentis brachijs fortiterque aquas anteriores apprehendentibus & post se repellentibus ab vltima extensione anteriori, exterius circumgyrando quousque ad genua penè reducantur: hoc fit pedibus extensis, sicut dum ventre natamus, sed summū fluminis potius, quam fundum affectantibus.

DE ARTE NATANDI

Ecce autem:



Subnationem vsurpamus, cum vel aliquid fundo quærimus, vel cū ad diuersos locos nos occultè sub aquis transportare velimus vel si periclitanti fundoq; iacenti, opem auxiliumq; afferre studemus hoc casu. Caueas ne quempiam periclitantem, vel supra, vel aquis inferiùs temerè adeas, aut ne eum apprehendere te, vel supra, vel subtus sinas. Hoc enim si fit, actum est, abire non licet, perijsisti. *N.* Quid ergo in hoc casu faciundum censes? *G.* Neminem in hoc casu adeas, nisi cautè & tutò. *N.* Id quī sciam & hoc quī fit? *G.* Est quodam prodire tenus, si non datur vltra. Itaq; amico si hanc gratiam postremam præstare velis, primo modice sit suffocatus, adeò vt acrimonia visus sit tibi pænè extincta. *N.* Hoc quī sciam? *G.* Quamprimum fundum contigerit, id plerunq; fit: Dein si quo locorum iacet, videre potes, aut pernoctare, ne aquis te submittas, nisi duodecim ab eo pedibus distes propius supra ne accedas. Dein submersus non festinanti motu procedas, sed cautè sensim ac pedetentim: omnino acutè providens, propius aggressus, caueas ne te omninò pertingat, ponè accedens si potes illius capitis coma (facièq; eius supinè versa) apprehensa, ad rariores aquas eum attrahito, eleuans demittens, fricans, vestibus à frigore operiens in hoc fatali discrimine, si copia adsit, arrepto fune corporiq; alligato, terminum eius stantes in ripa, vel (si curtatior sit) sequens in amne, manu teneat, & signo à te dato fortiter ad se attrahat. His omnibus ritè perficiendis necessaria est

## CAP. 37.

## REVERSIO VRINARIA.

*N.* P<sup>r</sup>sumus ne sicut supra solemus, sic submersi etiam, ad placitum reuerti? *G.* Eadem pene facilitate Hæc verò maxima ex parte & commodissimè, eodèmq; prorsus modo fit, quo prius Tropica expedita, altera manuum plana palma exterius versa, aquasq; interiores repellente, altera posteriores plana canaq; palma attrahente, dum reuertimur in fine extensionis, digiti manus anteriùs extenti palma exterius versa sursum curuare se debent,



DE ARTE NATANDI  
hævt claret demonstratione.



Huius flos & perfectio vera adhuc explicanda restat scilicet

## CAP. 38.

## SVBNATATIO CIRCVLARIS.

**C**VM aliquid amissum, circumfluentes sub aquis quærimus (quod optimè solent canes venatici) circulo aream circumcingimus, diuersa loca lustrantes, idq; adeò methodicè, vt nonnunquam albos lapides monetam, cornua, calciaria, siue alia signa euidentia fundumq; natura affectantia, in amnem proijcimus, eademq; (etsi tria aut quatuor sint) aut plura, eodem quo iniecta fuerunt ordine (non omninò surgentes in altum) aggredimur simul ea exportantes omnia. Hæc expeditè quidem fiunt, dum subnatamus circulariter. *N.* Qua partium facultate hæc potissimum est peragenda? Manuum scilicet vtriusq; : à dextris ad sinistram, a quas sedulò volentibus, si ad dextram circuire studemus : sin ad sinistram contendimus, tunc manuum forma & inuolutio è termino procedit ac latere contrario.

DE ARTE NATANDI  
Vt liquet per exemplum.





Quando rem aquis deperditâ rectâ subnatatione præterimus, tunc circulari cursu errorem corrigimus. In omni etiam subnatatione caue ne vltius procedas quam clara tibi lux commonstrat viam quod si tenebris semelaquæ & oculi sint obducti hoc indicium est aut sub ripam te vltius prorepisse aut nimis profuudè descendisse aut sub lintre alioue superficiem aquarum tegente radiosque luminis abdicante non sine discrimine errasse. *N.* Quid ergo faciendum senses hoc periculo, cum neque videre quicquam nec aduocare quempiam neque ascendere neque liberè spirare possimus? *G.* Denso huiusmodi locos aggredi noli at si festinanti cursu & veloci tenebris semel sis immersus præsentis animi memoria fretus rectâ linea retro quo intraisti reuertere sursum speciens, lumen enim tibi longè illucet; præ omnibus cauens ne spirare tentes sub aquis: quod si hostium, ripis astantium spicula lethiferaque iacula aut diutius subesse cogant, quàm commodè pati possumus, tunc affectanda nobis recurrit,

## CAP. 39.

## AGILITAS DELPHINI.


**H**Æc ascendere nos & descendere docet. Expeditè elatiores paulò breuem trahimus spiritum depressique illicò procedimus tutò: idque per quingentos passus vitæ difficultate districtis (æstate præsertim) licet quam minima cum molestia:

P

exem-

DE ARTE NATANDI

exempli gratia.



Hanc experturi, vna aut altera præmissa pronatatione prona, illi-  
cò sese submergunt (quò profundius eo tutius modò videre pos-  
sint) pronatantes sub aquis, quousq; commodè spiritum retinere &  
reprimere valeant. Dein sensim procedentes, surgentesq; simul cū  
præ claritate sese summis aquarum appropinquante sentiunt re-  
pentè efferant caput, celeriq; attracto spiritu, ætutum immergan-  
tur summis aquarum. Vel propius vel remotius ad libitum pro-  
cedentes hoc tentent toties, quoties præsens periculum & occasio  
postulat. His iam laconicè dictis & viua sub imagine demonstra-  
tis, scilicet quomodo per aquas tuti simus ab aquis, à periculis ab ini-  
micis, littore nos prosequentibus, quid restat aliud, nisi

## CAP. 40.

## POSTREMVVS ACTVS.

ET si quo diutius natamus, eo melius agiliusq;, tamen post mul-  
tam in aquis commorationem, siccum nobis affectandum est:  
ne præ nimio aquarum frigore, membra (sicut iam mihi incipiunt)  
nimium aquis quasi coacta videantur. Benè ergo lotus, omnibus-  
q; membris mundus, locum commodum à te (priusquam molli a-  
quarum glebæ, corpus commisisti) diligenter obseruatum, vel su-  
pinè, vel pronè, vel lateraliter, vel, quod sæpè solitus sum, retrogra-  
datione supina aggredere: ripa erectus toga te circumdabis, manu-  
q; pane prehenso calciatus discurre, lepidè ludens, exultansq; vi-  
ridi prato. *N. Panis comestio* nihil pertinet ad istam artem, *G. Mul-*  
*tum*, siquidem post ancipitis stomachi languentem digestionem,  
spiritus intus colligit, capitis dolores (qui post longam natationem  
sæpè eueniunt) amouet, *calorem reuocat, colorem renouat, cor re-*  
*creat, totum hominem deniq; exhilarat.* Hæc ego hodiè festinanter  
tibi edixi omnia, sed admodum confusè, & vt tempus tulit. Tu,  
quo & amicitia nostra euidentior sit, & firmioribus tandè radici-  
bus hæreat, dum tibi prosum, mihi autem non obesse videar, si sin-  
gulis diebus bis teruè, his ripis præsens fueris, non grauabor equi-  
dem te isthæc omnia sigillatim docere, neq; te deferam, donec &  
mihi bellè placeas, & tibi peritè, pulchrè, egregiè denique nata-  
sse videre. *N. Nostri* non est dignas nunc tibi referre gratias, cum  
dies dabit (quod iam dies pubertati nostræ negat) maturas red-



DE ARTE NATANDI

Iam & tanto amore dignas. G. Gaudeo si tibi *lymphatica nostra* ar-  
ridet *industria*, & gratam fuisse erga te, habeo gratias. Sed quid?  
Nocturnum Phoebus petens cubile, & fessa dies iam transacta &  
glomerantes locorum istic turbæ nos hinc abire monent. Cras  
(*annuente Deo*) hora prima promeridiana, hunc locum reuisamus  
vterque, bisque singulis successiue diebus. Vale. N. Placet, Tuq;  
optime. Vale.

FINIS.

DEO GRATIAS.

LONDINI,

*Excudebat Thomas Dawson.*

1687.







9/13/



coll. complet  

---

1937.





